


宋史



志卷第八十八

宋史一百三十五

開府儀同三司上柱國錄軍國事前中書右丞相監修國史領經筵事都總裁臣脫脫等奉

勅修

樂十 樂章十五

朝謁玉清昭應宮

太清宮

朝享景靈宮

討禪

祀陰

奉天書

祭九鼎

真宗奉聖祖玉清昭應宮御製十一首

降聖真安 巍巍真宇奕奕殊庭規模太紫 煥丹

青元命祇答大猷是經多儀有踐不應無形肆設金

石聲聞杳冥行迴飈馭永祐基扃

奉香靈安 芳氣上 飈馭下臨紹承丕緒末勵精
明氤氳成霧葱鬱垂陰虔恭對越介祉攸歛
奉饌吉安 發祥有自介福無疆紛綸不應保佑下
方嘉薦斯備雅奏具揚寅威洞達監昉昭章
玉皇位酌獻慶安 無體之體強名之名監觀萬寓
統治九清真期保佑瑞命昭明乾乾翼翼祇答財成
聖祖位酌獻慶安 於昭靈貺誕啟鴻源功濟庶彙
慶流後昆蘭肴登俎桂酒盈尊俯迴飈駕永庇雲孫
太祖位酌獻慶安 赫赫藝祖受命高穹威加海外
化浹區中發祥宗祐錫祐眇冲欽承積德勵翼精裏

太宗位酌獻慶安 明明文考儲精上蒼禮樂明備
溥率賓王功德累洽歷數會昌孝思罔極丕祐無疆
亞終獻冲安 太初非有體至道本無聲降迹臨下
土成功陟上清至仁敦動植丕緒啓宗祊紫禁承來
格鴻基保永寧發祥垂誕告致孝薦崇名廣樂伸欽
奉儲休固太平

飲福慶安 明明始祖誕啓慶基翼翼後嗣虔奉孝
思精潔斯達祉福咸宜于以報貺于以受釐
徹饌吉安 雕俎在御飈駕聞聲真遊斯降旨酒斯
盈大樂云闋大禮云成徹彼常薦罄此明誠

送聖真安 精心既達真遊允臻禮容斯舉福應惟
醇將整僊馭言還上旻永存嘉貺用泰烝民

迎奉聖像四首

並用慶安

玉皇位 玉虛上帝金像睟容宅真雲構練日龜從
維皇對越率禮寅恭靈心不應福祿來崇

聖祖位 總化在天保昌厥緒降格皇闈瓊輪載御
藻仗星陳睟容金鑄佑我慶基宅茲靈宇

太祖位 烝哉大君聿懷帝祖鎔範真儀奉尊靈宇
至感祥開洪輝物覩瞻謁盡恭飛英率土

太宗位 於顯神宗德洽區中祥金爍冶範茲睟容
殊庭胥宇備物致恭明威有赫降福來同

玉清昭應宮上尊號三首

奉告隆安 登隆妙號欽翼淵宗茂宣德禮有恪其
容奉璋升薦垂佩彌泰揚休詠美以間笙鏞

太初殿奉冊寶登安 皇靈垂祐洪福彌隆祗率繇
寓潔祀真容嚴恭奉冊對越清躬睟容肅穆懿號尊

崇禮成樂舉福祿來同

二聖殿奉絳紗袍登安 赫赫列聖盛德巍然彤彤
靈宇睟儀在焉奉以龍衮被之象天重慶宗稷億萬

斯年

太尉奉聖號冊寶真安 上旻降監介祉實繁邦家
脩報妙道歸尊增名霄極奉冊靈軒茂宣聖典永祐
黎元

寶冊升殿大安 圖書昭錫典禮紹成烝民何幸教
父儲靈欽承景貺祗奉崇名致虔寶冊垂祐基扃
降神真安 猶龍之聖降生厲鄉教流清淨道符混
茫大君肅謁盛儀允減森羅羽衛躬薦蕭蕪簪紱濟
濟鍾石洋洋高真至止介福誕祥

奉玉幣靈安 琳宮奕奕黼坐煌煌玉帛成禮颺馭
延祥鳴儀有則景福無疆嘉應昭協丕猶誕揚

奉饌吉安

金奏以諧颺遊斯格靈監章明皇心勵

翼肅奉雕俎來升綵席享德有孚凝禧無斁

酌獻大安

欽崇至道肅謁殊庭順風而拜明德惟

馨颺馭來格尊酒斯盈是酌是獻心通杳冥

飲福大安

彼渦之壤拍李之區千乘萬騎來朝密

都躬陳芳薦款接仙輿飲酒受福永耀鴻圖

亞終獻正安

邈矣道祖冥幾恍惚常德不離至真

無象引位清穹降祥神壤酌醴薦誠控颺未享

送神真安

醴醖在戶金奏在庭籩豆有踐黍稷非

馨義盡蠲潔誠通杳冥言旋風駟祚我脩齡

太極觀奉冊寶一首

登安之曲 薦號穹冥登名祖禰陟配陽郊協宣典

禮感電靈區誕聖鴻懿冊寶斯陳福祿來暨

景靈宮奉冊寶一首

登安之曲 穆穆真宗錫羨蕃昌飈輪臨貺諄誨洞

彰慶崇懿號祇荅景祥丕誠致享降福無疆

景祐元年親享景靈宮二首

降真太安 真館奉幣潔齊致馨靈因斯格社稷慶

寧

送真太安 椒漿尊享邸饌精祈眸容香邈瑤輅霞

飛

大觀三年朝獻景靈宮二首

奉饌吉安 威靈洋洋靡有常嚮於惟欽承來假來

饗博碩芬香足丞是享奉器有虞載德無爽

爾牲既充是烹是肆爾肴既具是羞是饋非物之重

惟德之備神之格思歆我精意

高宗郊前朝獻景靈宮二十一首

皇帝入門乾安 維皇齊居承神其初顛顛昂昂龍

步雲趨景鍾鏗如肅觀清都瞻嚮之交神入用享

升殿乾安 帝既臨饗整茲精意對越在天爰升紫

陸孔容翼翼保承丕緒孝奏天儀未錫爾類

降聖太安 惟德馨香升聞八方粵神臨之來從帝

知萬靈景衛有達其光監我精純降福穰穰

盥洗乾安 齋居皇皇瓊瑤鏘鏘承祭之初其如在

旁挹彼注茲儲禧迎祥神之聽之欣欣樂康

聖祖位乾安 洎選休辰有事嘉薦琅琅瓊珮陟降

巖殿其陟伊何幣玉斯奠周旋中禮千億儲羨

聖祖位奉玉幣靈安 上靈始祖雲景元尊嚴祀夙

畏六樂朱軒明王之潔豐帛之温暢乃繼序承德不

愆

還位乾安 我后臨饗奠幣攸畢式旋其趨渠度有

式禮客齋莊孝思純實天休滋至時萬時億

奉饌吉安 百職駿奔來相于庭奉聖以告登茲芳

馨際天蟠地默運二靈神今來歆祚我休平

再盥沈乾安 有嚴大禮對時休明情文則粲蠲潔

必清再臨觀盥以專以精真游來格未觀厥成

再詣聖祖位乾安 於赫炎宋十葉華耀屬茲郊報

陟降在廟其降伊何椒漿桂酒再拜斟酌未御九有

聖祖位酌獻祖安御製 瑤源誕啟玉牒肇榮覆育郡

言監觀圓清酒醴既洽登薦惟誠無有後艱駿惠雲

仍

還位乾安 奠鬯告成式旋厥位天步雍容神人燕喜九廟觀德百靈薦祉子孫其昌垂千萬祀

文舞退武舞進正安 於皇樂舞進旅退旅一弛一

張笙磬具舉豈惟翫聲象德是似神鑒孔昭福祿來予

亞終獻冲安 五音飭 神既億康澹其容與薦此

嘉觴有來顯相銷玉鏘鏘奉承若宥罔不齋莊

飲福報安 嘉薦既終神既斯復賚我思成靈光下

燭孝孫承之載祗載肅敷錫庶民函蒙祉福

還位乾安 帝臨闕庭逆 上靈神鵠安坐肅若有

承嘉觴既申德聞惟馨靈光留俞祚我億齡

徹饌吉安 普淖既薦苾苾芬孔時神嗜而顧有來燕

娛饗矣將徹載欽載祗展詩以侑益臻厥熙

送真大安 雍歌既徹熙事備成神夕奄虞忽乘青

冥靈心回睠監我精禋誕降嘉祉休德昭清

降殿乾安 我秩元祀上維靈源展事有恤祲威肅

然丹城既降秉心益虔荷天之休于千萬年

望燎乾安 奕奕靈宮有嚴毳祀燔燎具揚禮儀既

備帝心肅祗天步旋止對越在天永膺蕃祉

還大次乾安 帝將于郊昭事上祀爰茲畢觴復卽

于此颺游載旋容旌沓騎維星嘉承錫祚昌熾
高宗明堂前朝獻景靈宮十首

降聖大安 德惟馨香升聞八方粵神之從燦然有
光騫飛乘蒼啾啾躑躅消搖從容顧予不忘

升殿乾安 帝既臨享龍馭華耀孝孫承之陟降在
廟誠意上交慶陰下冒天休駢至千億克紹

聖祖位奠玉幣靈安 玉氣如虹豐繒充笥既奉既
將亦奠在位有永群后實相祀事何以臨下心意不

貳

奉饌吉安 瓊琚鏘鏘玄衣繡裳薦嘉升香粢盛艾

芳禮儀莫愆鼓鐘喤喤曾孫之常綏福無疆

聖祖位酌獻祖安 裴回若留靈其有喜薦我馨香

挹茲酒醴我祖在天執道之紀申佑無疆奏神稱禮
文舞退武舞進正安 進旅退旅載執干戚不愆干

儀容服有赫式妥式侑神保是格靈鑒孔昭孝思維
則

亞終獻冲安 用舊辭

飲福報安 於赫大神總司元化監我純精威光來
下延昌之貺千億馮藉曾孫保之丕平是迓

徹饌吉安 洋洋降臨肅肅布列熙事既成嘉籩告

徹九天儲慶垂佑無缺寢明寢昌綿綿瓜瓞
送真太安 高飛安翔持御陰陽幽贊圓穹監觀四
方元精回復奄虞孔良畢觴降嘏偃蹇于驤
望燎乾安 奕奕原祠有嚴忠祀禮儀孔宣燔燎斯
暨帝心肅祗天步旋止熙事既成永膺蕃祉
孝宗明堂前朝獻景靈宮八首

盟洗乾安 合宮之饗報本奉先欽惟道祖濬發璿
源駕言謁款其盟惟虔尚監精衷錫祚綿綿

聖祖乾安 駿命有開慶基無窮祗率百辟仰瞻睟
容鼓鐘斯和黍稷斯豐靈其居歆福祿來崇

還位乾安

嘉玉既設量幣既陳髣髴靈游來顧來

寧對越伊何厥惟一純佑 我熙事迄以戊

奉饌吉安

發祥僊源流澤萬世曷其報之親饗三

歲相維列卿潔粢是饋匪物之尚誠之爲至

再詣盟洗乾安

華燈熒煌瑞煙氤氳威神如在燭

潔必親再盥于壘再悅于巾皇心肅祗其敢憚勤

再詣聖祖位乾安

歲逢有年月旅無射我將我饗

如幾如式肅爾臣工諧爾金石本原休功垂俗罔極

還位乾安

旨酒思柔神具醉止工祝既告孝孫旋

位何以酢之純嘏來備燕及雲來蕃衍無已

宋史志卷八十八 八十九
文舞退武舞進正安 象德之成有奕其舞一弛一
張進旅退旅嘒以管簫和以鏞鼓神其樂康末錫多
枯

寧宗郊前朝獻景靈宮二十四首

皇帝入門乾安 闕幄邃深雲景杳冥天清日晡展

容玉庭締基發祥希夷降靈神其來燕是饗是聽

升殿乾安 帝居瑤圖璇題玉京日月經振列宿上

榮桂簋飶芬瑚器華晶夔承禋祀用戒昭明

降神太安六變圓鍾爲官 四靈晨耀五緯夕明風

雲晏和天地粹清靈今來迎靈今來迎啟我子孫饗

于純精

黃鐘爲角 芬枝揚烈煩珠叶陶闈珍闡符展詩舞

箭神哉來下神哉來翔肅若有承靈心招搖

太簇爲徵 龍車旣奏鳳馭載翔帝幄佇靈天衢騰

芳神來留俞神來蹇驥禮鬯樂明奏假孔將

姑洗爲羽 虹旌蜺旄鸞旗翠盖星樞扶輪月御叶

衛靈至陰陰靈般裔裔來格來饗福流萬世

盥洗乾安 禮文有俶祀事孔明將以潔告允惟齊

精自盥而往聿觀厥成靈監下臨天德其清

詣聖祖位乾安 維宋肖德欽天顧右於皇道祖丕

蒼靈祐葛藟殖繁瓜瓞孕茂克昌厥後世世孝奏

聖祖位奉玉幣靈安

高宗御製見前

皇帝還位乾安 桂宮耽耽藻儀穆穆天回袞彩風

韶璜玉咸英皦亮容典炳煜假我上靈景命有僕

奉饌吉安 我簋斯盈我簠斯實或剝或烹或燔或

炙有殽既將為俎孔碩禮儀卒度永錫爾極

再盥洗乾安 觴澹初勺禮戒重盥假廟以萃取象

于觀清明外暢精肅中貫我儀圖之三靈攸贊

再詣聖祖位乾安 肇基駿命鞏右鴻業鼎玉龜符

垂固萬葉靈貺具臻神光燁燁暉祚無疆規重矩疊

聖祖位酌獻祖安

高宗御製見前

還位乾安 皇帝瑞慶長發其祥纂系悠遠溯源靈

長德之克明休烈有光配天作極孝饗是將

文舞退武舞進正安 持翟成象秉朱就列旄乘整

溢鳳儀諧節揮舒皇文歌蹈先烈合好効懽福流有

截

亞獻冲安 光煥紫幄神流玉房秉文侑儀嘉虞貳

觴震澹醉喜彷彿迪嘗璇源之休地久天長

終獻冲安 靈輿蹇驥畢觴泰筵貳饗允穆裸將克

竣垂恩儲祉錫羨永年將以慶成燕及皇天

詣飲福位乾安 若木露英清雲流霞蔓蔓芝秀馮
馮桂華綿瑞無疆產嘏孔奢皇則受之聳我帝家
飲福酒報安 旨酒惟蘭勺漿惟椒福流瓚竿光燭
琨瑤拜祝清宮凝輝慶霄神其如在徘徊招搖
還位乾安 烝哉我皇繼天毓聖逆釐元都對越靈
慶如天斯久如日斯盛瑤圖濬邈永隆駿命
徹饌吉安 房劔陳列室簋登奉告饗具歆展徹惟
拱祥光奕奕嘉氣懔懔受嘏不訾燕天之寵
送真太安 雲車風馬靈其來游天門軼蕩神其莫
留遺慶陰陰祉發祥流康我有宋與天匹休

降殿乾安

璇庭爛景紫殿流光禮洽乾回福應日

昌聖系彪鴻景命溥將德茂功成率祀無疆

詣望燎位乾安

厥初生民淵濬唯祖芳薦旣輟明

燎具舉德馨升聞靈貺蕃詡懷濡上靈佑周之祐

還大次乾安

帝假于宮彝承清祀天暉臨幄宸衛

森峙行繇太室旋趨紫時率禮不違式專靈祉

理宗明堂前朝獻景靈宮二首

餘用舊辭

升殿登歌乾安

我享我將罄茲精意陟降左右錐

天與契齊明乃心祇肅在位於萬斯年百福來備

亞獻宮架冲安

慶雲郁郁鳴璆琅琅澹其容與申

薦貳觴奉承若宥神其樂康錫以多祉源深流長

大中祥符封禪十首

餘同南北郊

山上園臺降神高安 巖巖泰山配德于天奉符展

栗翼翼乾乾滌濯靜嘉罔有弗蠲上帝顧諟冷風肅

然

昊天上帝坐酌獻奉安 皇天上帝陰隲下民道崇

廣覆化洽鴻鈞靈文誕錫寶命惟新增高欽事式奉

嚴禋

太祖配坐酌獻封安 於穆聖祖肇開鴻業我武惟

揚皇威有擘四隩混同百靈震疊陟配高穹明靈是

接

太宗配坐酌獻封安 祇若封祀神宗配天禮樂明

備奠獻精虔景靈來格休祥藹然於昭垂慶億萬斯

年

亞獻恭安 因高定位禮脩物備薦鬯卜牲虔恭寅

畏八音克諧天神咸暨降福穰穰永錫爾類

終獻順安 浩浩元精無臭無聲臨下有赫得一以

清備物致享薦茲至誠泰尊奠獻夙夜齊明

社首壇降神靖安 至哉坤元資生伊始博厚稱德

沈潛柔止降禪方位聿脩明祀寅恭吉蠲永錫蕃祉

皇地祇坐酌獻禪安 坤德直方博厚無疆秉陰得一靜而有常寶藏以發乃育百昌肅祇禪祭錫祉穰

太祖配坐酌獻禪安 皇矣聖祖丕赫神武秉運宅中威加九土德厚功崇頌聲載路陟配方祇對天之祐

太宗配坐酌獻禪安 茲祀柔祇報功厚載思文太宗侑神嚴配鍾石斯和籩豆咸在永錫坤珍資生為大

汾陰十首

降神靖安 茫茫坤載粵惟太寧資生光大品物流形愴言汾曲允宅神靈聖皇躬享明德惟馨

帶玉幣登歌嘉安 至誠旁達柔祇格思奉以琮幣致誠在茲

奉俎豐安 博碩者牲載純其色體薦登俎聿崇坤德

后土地祇坐酌獻博安 秉陰成德敏樹宣功應變審諦神力無窮流潛剛克流謙示中潔茲奠獻妙物

玄通

太祖配后酌獻傳安 坤元茂育植物成形於穆聖

祖功齊三靈嚴恭配侑厚德攸寧永懷錫羨歆此惟馨

太宗配坐酌獻博安 報功厚載祀事惟明思文烈考道齊羣生侑聖定位協德安平馨潔並薦享于克誠

飲福博安 寅威寶命明祀惟虔協神備物罔不吉蠲后祇格思靈颺肅然誕受景福遐哉億年

亞終獻正安 至哉柔祇滋生蕃錫滌濯靜嘉寅恭夕惕金奏純如萬舞有奕立我烝民莫匪爾極

后土廟降神清安 博厚流形秉陰成德柔順利正

直方維則明祇格思素汾之側祇載吉蠲宸心翼翼酌獻博安 至哉物祖設象隆睢動靜之德翕闢攸宜嘉粟以薦精禱洪釐茂宣陰貺五穀蕃滋

祇奉天書六首

朝元殿酌獻瑞文 妙道非常神變無方惟天輔德靈貺誕章玄文昭錫寶曆彌昌禮崇明祀式薦馨香含香園瑞文 運格熙盛將封介丘禮神之域瑞命殊尤靈文荐降丕顯皇猷聖心肅奉永洽鴻休

泰山杜首壇升降瑞文 玄穹眷懷寶符申錫垂露騰文粲然靈迹發祥吉圖純熙寫奕登薦欽崇式昭

天曆

奉香酌獻瑞安 謂天蓋高惟皇合德倬彼靈章圖書是錫眷命諄諄彼以遐曆膺錄告成虔恭欽翼

地屆興王祥開圖錄典禮昭成祺祥交屬大輅逶迤卿雲紛郁祐我含靈錫茲介福

祥符七年奉祀畢天書迴至應天府有雲物之瑞命製是曲以紀休應

升降靈文 旻穹無聲惟德是輔降監錫符垂文篆

素孝瑞紀封英聲載路既壽而昌篤天之祐

祭九鼎十二首

帝鼎土王降神景安 日號丙丁方號中央德惟其

時蠲吉是將夫何飲之黃流玉瓚夫何食之有陳伊

饌

奉饌豐安 粢盛既豐牲牢既充展茲熙事温温其

恭惟明欣欣燔炙芬芬保乎天子繁祉荐臻

亞終獻文安 工祝致辭黃流協鬯爰登清歌載期

神享噫予誠心精禋是虔嘉予陳祀豐盈豆邊

春分蒼鼎亞終獻成安 法乾剛兮鑄鼎奠方消嘉

旦兮齊明迎祥胡為持幣維箱及筥胡為和羹有錡

維釜

立夏岡鼎迎神凝安 我方東南我日朱明爰因其

時鼎以岡名染盛既馨牲牲既盈佑我皇家巽令風行

亞終獻成安 黃流在中惟馨香祀於薦于神爰祇厥事禮從多儀以進爲文尊竿三獻昭示孔勤

夏至彤鼎酌獻成安 犧尊將將徂基自堂牲牲肥脂鼓鐘喤喤肆予醴齊椒馨飶香聿來歆顧天祚永

昌

立秋阜鼎酌獻成安 明德崇享磬筦鏘鏘兮佩

舉義冠齊莊肆陳有序承箱是將其牲伊何籩豆大房

秋分晶鼎亞終獻成安 神宮巍巍庭燎有輝聲諸

備樂物陳豐儀清酌既載酌言獻之惟神醉止聿來蕃釐

立冬魁鼎迎神凝安 時運而冬乃神玄冥陰陽相

雅豐年以成越陳嘉肅牲牢染盛來享來依監于明誠

酌獻成安 鬯之初登其儀昭陳鬯之既裸其香升聞神心嘉止于焉欣欣貽我有年穰穰其仁

冬至寶鼎奠幣明安 秉心齊明奉牲博碩匏絲鏗陳冠佩儼飾其肆其將神明來格執奠維何猗歎幣

帛

志卷第八十八

志卷第八十九

宋史一百三十六

開府儀同三司在國錄軍國事前史書丞相監修國史領經筵事都總裁長脫等奉
幣

樂十一

樂章六

祀嶽鎮海濱

祀大火

太中祥符五嶽加帝號祭告八首

迎神靜安

鍾石既作俎豆在前雲旗飛揚神光肅

然當駕颺歛來乎青圓言備縟禮享茲吉蠲

冊入門正安

節彼喬嶽神明之府秩秩威儀肅肅

靈宇懿號克崇庶物咸覩帝籍升名式綏九土

順治十六年刊

宋史志卷八十八

一

酌獻東嶽嘉安 節彼岱宗有嚴廟貌惟辟奉天依

神設教帝典焜煌嘉薦普淖至靈格思殊祥是效

南嶽 作鎮炎夏裔茲靈光敷與萬物既阜既昌爰

刻溫玉式薦徽章昭嘏神意福熙穰穰

西嶽 瞻言太華奠方作鎮典冊是膺等威以峻上

公奉儀祀宮薦信介祉萬邦永配坤順

北嶽 仰止靈嶽鎮于朔方增崇懿號度越彝章祗

薦嘉樂式陳令芳永資純佑國祚蕃昌

中嶽 巖巖神嶽作鎮中央肅奉徽冊尊名孔彰聿

降颺駕載獻蘭觴熙事允洽寶祚彌昌

送神靜安 祗薦鴻名寅威明祀有楚之儀如在之

祭奠獻既終禮容克備神鑒孔昭福禧來暨

天安殿冊封五嶽帝一首

冊出入正安 名嶽奠方帝儀克舉吉日惟良九賓

咸旅溫玉縷文纁裳正宁禮備樂成篤神之祐

熙寧望祭嶽鎮海瀆十七首

東望迎神凝安 盛德惟木勾芒御神沂岱淮海厥

功在民爰熙壇坎哀對庶神于以歆格靈貽具臻

升降固安 紳鞞檐兮玉珮榮兮于我將事神燕喜

兮帝命望祀敢有不共往返于位肅肅雍雍

奠玉幣明安 祀以崇德幣則有儀肅我將事登降
孔時精明純潔罔有弗祇史辭無媿神用來娛

酌獻成安 肇茲東土含潤無疆維時發春嘉薦令
芳祭用蕤沈順性含藏不涸不童誕降祺祥

送神凝安 神之至止熙壇爲春神之將歸旂服振
振歛兮迴颺窅兮旋雲佑于東方永施厥仁

南望迎神凝安 嵩嵇衡霍暨厥海江時維長養惠
我南邦肆嚴牲幣神式來降以侑以妥百福是龐

酌獻成安 景風應律朱鳥開辰肅肅明祀嘉籩列
陳牲用牲物樂奏蕤賓克綏永福祐此下民

送神凝安 鼓鍾云云歛管伊伊神旣醉飽曰送言
歸山有厚藏水有靈德物其永依徃奠炎宅

中望迎神凝安 維土作德維帝御行含養載育萬
物以成有嚴祀典薦我德馨神其歆止永用億寧

酌獻成安 高廣融結實維中央宣氣報功利彼一
方坎壇以祀六樂鏘鏘靈其有喜酌以大璋

送神凝安 言旋其處以奠中域無替厥靈四方是
則神永不息祀永不愆以享以報于萬斯年

西望迎神凝安 品物順說時司金行于郊迎氣以
望庶靈雅歌維樂圭薦惟牲作民之祉永相厥成

酌獻成安 西顛沆碭執矩司秋諏言協靈時祀孔
修禮有薦獻爰視公侯秩而祭之百福是邁
送神凝安 我樂我神簋俎腥饗曰神之還西土是
宮于蕃禽魚于衍草木富我藪隰滋我高陸
北望迎神凝安 帝德乘坎時御閉藏爰潔牲醴兆
茲北方海山攸宅神施無疆具享蠲吉降福孔穰
酌獻成安 凄寒凝陰隕穉滌塲百物順成黍稷馨
香歎于北郊爰因其方何以侑神薦此嘉觴
送神凝安 維山及川奠宅幽方我度其靈降止靡
常肅肅坎壇旣迎旣將促樂徹俎是送是望

紹興祀嶽鎮海瀆四十三首

東方迎神凝安 帝奠九壺孰匪我疆繫我東土山
川相望祀事孔時肅雍不忘莘莪濛鴻郁哉洋洋
初獻盥洗同安 青陽肇開祀事孔飭鬱人贊漑其
馨苾苾敬爾威儀亦孔之則神之格思無我有斆
奠玉幣明安 司曆告時惟孟之春爰舉時祀旅子
有神鼓鍾旣設珪帛具陳阜蕃庶物以福我民
東嶽位酌獻成安 巖巖天齊自古在昔屑寸之雲
四方其澤惟時東作祀事迺飭惠我無疆恩霑動植
東鎮位 惟山有鎮雄於其方東孰爲雄于沂之疆

祀事有時爰舉舊章我望匪遙庶幾燕饗

東海位 頌洞鴻濛天與無極導納江漢節宣南北

順助其功善下惟德我祀孔時以介景福

東瀆位 我祀伊何于彼長淮導源桐栢委注蓬萊

扞齊護楚宣威示懷豆籩列陳亦孔之偕

亞終獻酌獻四位 我祀孔肅神其安留容與裴回

若止若浮洽此重觴申以百羞無我斲遺萬邦之休

送神凝安 蹇兮紛紛神實戾止以飲以食以享以

祀叨兮冥冥神亦歸止以醉以飽以錫爾祉

南方迎神凝安 朱明盛長我祀用飭厥祀伊何山

川咸秩如將見之繩繩齊栗神哉沛兮消搖未格

初獻盥洗升降同安 爰熙嘉壇揭虔茲祀鬱人沃

盥贊我裸事于降于登以作以止莫不肅雍告靈饗

矣

奠玉幣明安 我祀我享儀物孔周一純斯舉二精

聿脩璞兮其溫絲兮其紕是薦潔蠲神兮安留

南嶽位酌獻成安 神曰司天居南之衡位焉則帝

于以奠方南訛秩事望禮有常庶幾嘉虞介福無疆

南鎮位 維南有山于彼會稽作鎮在昔神則司之

厥有舊典以祀以時百味維旨靈其燕娛

南海位 維水善下利物曰功透迤百川誰歟朝宗
蕩蕩大受於焉會同管蕭列陳以荅鴻濛

南瀆位 四瀆之利經營中國南曰大江險兮天設
維爾有神諭其廟食望秩孔時我心翼翼

亞終獻酌獻 神之游兮洋洋對越澹乎容與彤壑
斯荅乃奏既備八音攸節重觴申陳百禮以洽

送神

曲同迎神

薦徹豆籩熙事備成靈兮將歸羽旄紛

紜飄其逝矣浮空籥雲悵然顧瞻有撫懷心

中央迎神凝安 天作高山屹然中峙經營厥宇萬
億咸遂火熙土王爰舉時祀繩繩宣延彷彿來止

初獻盥洗升降同安 思來感格肅雍不忘禮儀既

備濟濟踳踳潔蠲致敬往薦其方交若有承神兮孔
饗

奠玉幣明安 練日有望高靈來下何以告誠心惟
物假有筐斯實有寶斯籍于以奠之神光燭夜

中獄位酌獻成安 與天齊極伊嵩之高顯靈効異
神休孔昭飭我祀事實俎鸞管以侑旨酒其馨有椒

中鎮位 禹畫九州河內曰冀霍山崇崇作鎮積勢
我祀如何百末旨味承神燕娛諸神畢至

亞終獻酌獻 禮樂既成肅容有常奄 消搖申畢

重觴仰臚所求降福滂洋師象山則以況皇章

送神

曲同迎神

虞至旦今靈亦有喜蹇欲驤今象輿已

轆粥音送今靈筆歸以長無極今錫我以祉

西方迎神凝安 有岌斯安有涵斯洽聿相厥成允

祀是答爰飭迺奏迺奏既協於昭降止是尊是接

初獻盥洗升降同安 靡實不新靡陳不濯人之弗

蠲矧敢將酌載晞之悅載濡之勺洗儀告備陟降時

若

奠玉幣明安 彼林有廐彼澤有沈倚與西望弗菲

弗淫迺追斯即迺愴斯尋印禮既卒是用是歆

西嶽位酌獻成安 屹削厥方風雲斯所陰邑有宮

侑侑僕僕清酌在尊靈眷在下于俎獻兮則莫我吐

西鎮位 維吳崇崇于汧之西瞻彼有隴赫赫不迷

克禋于嶽我酌俶齊於凡有旅眡公維躋

西海位 奄浸坤軸滋殖其濊而典斯稽有陞有墮

弗替時舉元筭斯酌胡先于河實委之會

西瀆位 自彼崐虛于以潛流念茲誕潤豈侯不猶

在昔中府暨海聿脩迄既望止神保先卣

亞終獻 肅肅其乂既旨既溢迨其畢酌偏茲博碩

祀事既遂不敢諄射神或醉止我心斯懌

送神

曲同迎神

迺羞既徹迺奏及闕無馥斯俎式聽致

謁不蹇不蹶不沸不決厲魁其祛永庇有截

北方迎神凝安 我土綿綿孰匪疆理惟時幽都匪

曰愉只滌哉良月朔風其同曷阻曷深其亦來降

初獻盥洗升降同安 壽宮輝煌聿脩時祀續其臨

矣吉蠲以竢居乎昂昂行乎遂遂敬爾攸司展采錯

事

奠玉幣明安 相予陰威厥功浩浩一歲之功何以

爲報府有珪幣我其敢私肅肅孔懷于以將之

北嶽位酌獻成安 瞻彼芒芒曰北之常既高既厚

迺紀迺綱薦鬯伊始靈示孔將玄服鐵駕覽此下方

北鎮位 赫赫作鎮幽朔之垂兼福我民食哉具宜

克配彼岳有嚴等衰蠲我灌禮其敢不祇

北海位 八裔皆水此一會同云云天墟洞蕩洪濛

至哉維坎不有斯功所秩伊何黃流在中

北瀆位 水星之精播液發靈不脅于河既介以清

翼翼盥薦椒糝芬馨載止載留爰弭翠旌

亞終獻 俎豆紛披金石繁會侑以貳尊匪瀆匪怠

我儀既周我心孔戒愴兮容與彷彿如在

送神

曲同迎神

靈既醉飽禮斯徹兮靈亦樂康樂斯闕

宋史志卷十九
八
兮雲征颺舉不可尼兮薦福錫祉曷有極兮
淳祐祭海神十六首

迎神延安宮一曲 堪輿之間最鉅惟瀛包乾括坤
吐日滔星祀典載新禮樂孔明鑒吾嘉賴來燕來寧
角一曲 四溟廣矣八紘是紀我宅東南迴復萬里
洪濤颺風安危所倚祀事特隆神其戾止

徵一曲 若稽有唐克致崇極祝號既升爰增祭式
從享于郊神斯受職我祀肇新式祈陰騭

羽一曲 猗與祀禮四海會同靈之來沛鞭霆馭風
彤鬻彷彿在位肅雍佑我烝民式徼神功

升降欽安 靈之來至垂慶陰陰靈之已坐飭茲五
音壇殿聿嚴陟降孔欽靈宜安留鑒我德心

東海位奠玉幣德安 百川所歸天池之左瀕洞鴻
濛功高善下行都依依百祿是荷制幣嘉玉以侑以
妥

南海位奠玉幣瀛安 祝融之位貴乎三神吞納江
漢廣大無垠長為委輸祐我黎民敬陳明享允鑒恭
勤

西海位奠玉幣潤安 蒲昌之澤派引天潢義娥出
入浩渺微茫蓋高斯覆猶隔封疆我思六合肇正吉

昌

北海位奠玉幣瀚安

翰海重溷地紀亦歸吞受百

瀆限制北陸一視同仁我心則怡嘉薦玉幣神其格

思

奉俎豐安

昭格靈貺祀典肇升牲牲告充雕俎是

承薦虔効物省德惟馨靈其有喜萬宇肅澄

東海位奠酌獻熙安

滄溟之德東南具依熬波出

素國計攸資石臼却敵濟我王師神其享錫益界燕

綏

南海位酌獻貴安

南溟浮天旁通百蠻風檣迅疾

琛舶來還民商永賴坐消寇姦薦茲嘉觴弭矣驚瀾

西海位酌獻類安

積流疏派被于流沙布潤施澤

功均邇遐我秩祀典四海一家祇薦令芳靈其享嘉

北海位酌獻溥安

儵忽會同裴回安畱牲肥酒香

晨事聿脩惟德之涼曷奄九州帝命是祇多福自求

亞終獻饗安

邊豆有楚貳觴斯旅神其醉飽式燕

以序百靈祕怪蜿蜒飛舞錫我祺祥有永終古

送神成安

告靈饗矣錫我嘉祚乾端坤倪開豁呈

露玄雲聿收羣龍咸鶩滅除凶菑六幕清豫

紹興祀大火十二首

降神高安園鍾爲宮 五緯相天各率其職司禮與
視則維熒惑至陽之精屆我長羸于以求之祀事孔
明

黃鍾爲角 有出有藏伏見靡常相我國家鑒觀四
方視罔不正終然允臧神其來格明德馨香

太簇爲徵 小大率禮不愆于儀展采錯事秩祀孔
時維今之故闕我數度脩厥典常神其來顧

姑洗爲羽 於赫我宋以大德王永永不圖繫神之
相神之來矣維其時矣禮備樂奏神其知矣

升殿正安 有儼其容有潔其衷屹屹崇壇伊神與

通神肯降格嘉神之休虔恭降登神乎安聞

受惑位奠王幣嘉安 馨香接神肱蟹恍惚求神以

誠薦誠以物有藉斯玉有筐斯幣是用薦陳昭茲精
意

商立宣明王涖奠幣嘉安 熒惑在天惟火與合繫

神主火純一不雜作配熒惑祀功則然不腆之幣于

以告虔

捧俎豐妥 大遵其令無物不長視此牲牢務得其

養黍以祀神有賄其肥非神之宜其將曷歸

熒惑位的獻祐安 皇念有神介我戩穀登神休明

有此美祿酌言獻之有饌其香神兮燕娛醉此嘉觴
宣明王位酌獻祐安 謹其祀神知神嗜好闕伯祀
火爲神所勞瞻言配食既奠火俱於樂旨酒承神嘉
虞

亞終獻文安 神既既臨嗜我飲食申以累獻以承
靈億神方常羊威畢我觴于再于三于誠之將

送神用理安 登降上下奠饗獻率音送粥粥禮無
違者已虞至且神其將歸顧我國家遺以繁釐

出火祀火辰十二音

降神高安園鍾爲宣 燁燁我宋火德所昇用火紀

時允惟象類神目類歆誠繇類至有感斯通字我陽
燧

黃鍾爲角 樂音上達粵惟出虛火性炎上亦生於
無我鏞我磬我笙我竽氣同聲應昭哉合符

大簇爲徵 大在六氣獨處其兩感生維君繫辰克
相何以驗之占茲垂象騰駕蒼蚪歆其來養

姑洗爲羽 星入於戌與火俱誦火出於辰與星俱
伸一伸一誦孰操縱之利用出入民咸用之

升殿正安 屹彼嘉壇赤伏始屆接光曜明洋乎如
在俛仰重離默與精會隨我降升肅聽環珮

大辰位奠玉幣嘉安 維莫之春五陽發舒日之夕
矣三星在隅莫量匪幣莫嘉匪玉明薦孔時神光下
矚

商丘宣明玉奠幣嘉安 二七儲神與天地並孰儷
厥德聿惟南正功樹陶唐澤流億姓作配嚴裡贊列
惟稱

捧俎豐安 有嚴在滌陳彼牲牢孔碩其俎薦此血
毛厥初生民飲茹則然以燔以炙伊誰云先

太辰位酌獻祐安 孰爲大辰維北有斗曾是慧星
斯名孔有幽榮報功潔齊敢後容與嘉觴式歆旨酒

宣明王位酌獻祐安 周設司燿雖列夏官仍襲孔
易闡端實難相彼商丘永懷初造不腆桂椒匪以爲
報

亞終獻文安 潛之伏矣柞標旣休有俶其來榆柳
是求靈駕紛羽尚其安留飲我三爵言言油油

送神理安 五運惟火寔宗衆陽宿壯用明千載愈
光神保聿歸安處火房鬱攸不作炎圖永昌

納火祀大辰十二首

降神高安園鍾爲宮 赫赫皇圖炎炎火德侈神之

賜奄有方國粢盛旣豐俎豆有飶於萬斯年報祀無

斲

黃鍾爲角 火星之躔有燁其光表于辰位伏于戌方時和歲稔仁顯用藏告爾萬民出納有常

太簇爲徵 季秋之月律中無射農事備收火功告畢克禋克祀有嚴有翼風馬雲車尚其來格

姑洗爲羽 明明我后重祭欽祠有司肅事式薦晨儀禮惟其稱物惟其時神之聽之福祿來爲

升殿正安 猗與明壇右平左城冕服斯皇玉珮有節陟降惟寅匪徐匪疾式崇大祀禮文咸秩

大辰位奠玉幣嘉安 金行序晚玉露晨清齊戒豐

潔肅恭神明嘉幣惟量嘉玉惟精于以奠之庶幾來聽

商丘宣明王位奠幣嘉安 恭惟火正自陶唐氏邑

于商丘配食辰祀有功在民有德在位敢替典常惟恭奉幣

捧俎豐安 萬彙攸成四方寧謐工祝致告普存民力迺薦斯牲爲俎孔碩介以繁祉式和民則

大辰位酌獻祐安 庶功備矣休德昭明天地釀和鬱鬯斯清玉瓚以酌瑤觴載盈周流常羊來燕來寧

宣明王位酌獻祐安 廣大建祀式崇其配馨香在

茲清酒既載穆穆有暉洋洋如在聿懷嘉慶繫神之
賚

亞終獻文安 幣玉肅陳笙簧具舉桂醑浮觴瓊羞

溢俎禮有三獻式和且序神具醉止慶流寰宇

送神理安 神靈降鑒天地回旋惟馨薦矣既醉歆

焉諸宰斯徹式禮莫愆隕祉降祥天子萬年

志卷第八十九

志卷第九十

宋史一百三十七

開府儀同三司上柱國錄軍國軍事前中書右丞相監修國史領經筵事都總裁臣脫脫等奉

勅修

樂十二

樂章六

祭太社太稷

祭先農先蠶

釋奠文宣王

祭祚德廟

祭風雨雷師

親耕藉田蜡祭

武成王

祭司中司命

景德祭社稷三首

降神靜安 百穀蕃滋麗乎下土聿崇明祀垂之千

古育物惟茂粒民斯普報本攸宜國章咸覩

奠玉幣酌獻嘉安 於穆大祀功利相宣靈壇美報

歷代昭然介以蕃祉祚以豐年土爰稼穡允協民天
送神靜安 制幣犧齊正辭無愧樂以送之畢其精
意

景祐祀社稷三首

迎神靈安 五祀之本百貨何極道著開闢惠周動
植國崇美穀民資力穡奠獻惟寅神靈來格

初獻升降正安 太社后土太稷后稷奠玉幣並嘉

安奉俎豐安

前同

亞終獻文安送神寧安 神之來兮降茲下上神之

去兮杳無處所壇壝肅然瘞幣徹俎乃粒之功冠于

萬古

奉俎豐安

神州地祇皇地祇與社稷通用

禮崇明禋惟馨斯酒潔

粢豐盛殺時特牲齊莊嚴祇升燎于禋其報伊何如

山如阜

大觀祀社稷九首

迎神寧安黃鍾二奏 惟土之尊民食資焉陰祀昭

格牲牢腥羶有功于民告其吉蠲神之來享雲車翩

翩

太簇角二奏 惟穀之神函育無窮百嘉蕃殖民依

厥功嚴飭壇壝威儀肅雍神之來享祈于登豐

姑洗徵二奏 猗歟那歟生養斯民家給人足時底
熙純祗嚴明禋於薦苾芬粢盛豐潔神乃有聞

南呂羽二奏 籩豆斯陳三牲告幽報本之禮荅神
之休來歆芬香豐登於秋倉箱千萬治符成周

初獻升降正安 崇崇廣壇嚴恭祀事威儀孔時周
旋進止鏘若環珮誠通于幽相于農植邦其咸休

奠幣嘉安 於嘻陰祀封土惟崇于時之吉歆予鼓
鍾柔靜化光人賴其功陳茲量幣百貨是隆

酌獻嘉安 坤元生物功利相宣蠲茲祀事美報致
虔清酏芬如靈壇巋然酌尊奠觴神其格焉

文舞退武舞進正安 羽毛千戚張弛則殊進旅退

旅匪棘匪舒

亞獻正安 顯相祀事濟濟鏘鏘舉斝酌禮神其允

臧

終獻正安 殺核維旅酒醴維馨于再于三禮則有

成

飲福禧安 幽明位異施報理同克恭明神降福乃

豐我膺受之來燕來崇豈伊專享于彼三農

徹豆歆安 莫重於祭非禮不成籩豆有踐爾殷既

馨神具醉止薦以齊明贊徹孔時釐事斯成

送神靜安 神之來止風駛雲翔神之旋歸有迎有將歌以送之磬筦鏘鏘何以惠民豐年穰穰親耕籍田七首

皇帝出大次乾安 勤勞稼穡必躬必親為籍千畝

以教導民帝出乎震時惟上春天顏咫尺望之如雲

親耕 元辰既擇禮備樂成洪縻在手祇飾專精三

推一撥端冕朱紘靡辭染屨以示黎甿

升壇 方壇屹立陞級而登玉色下照臨觀耦耕萬

目咸覩如日之升成規成矩百祿是膺

公卿耕籍 羣公顯相奉事齋莊率時農夫舉耜載

太社位奠玉幣

安春秋太社上正后稷通用

土發而祭農祥

是祈籩豆加節典禮有

惟茲社幣用告肅祗神靈

降鑒錫我繁釐

太社位奠玉幣嘉安

秋臘太社土正后稷通用

赫赫媪神稼穡

是司方是藉歛報本攸宜嘉壇建祀玉帛陳儀明靈

昭格以介蕃釐

還位正安

國主太社地

道聿神稷司百穀利毓惟

均轉者新告炎盛苾芬神燕娛矣福此下民

捧俎豐安

嘉承天和黍稷翼翼默相農功絜神之

德俎實犧牲舊章是式嗣有豐年我庾維億

太社位酌獻嘉安

春社太稷土
正后稷通用

封土崇祀有烈在

既千載不昧福此人羣洗爵奠尊有酒其不神晏醉

止愷樂欣欣

太社位酌獻嘉安

秋稷臘太社土
正后稷通用

叶氣嘉生年穀

順成萬億及梯如坻如京奉時特牲告於神明歌此

良耜於昭德馨

亞終獻文安 風雨時若自天降康稼穡滋殖自神

發祥穀我婦子豐年穰穰報本嚴祀齊明允臧

徹豆娛安

報本之禮載于甲令靈壇昭告神既來

聽徹彼豆遵精誠斯罄實惟豐年農夫之慶

送神寧安

乃粒烝民功昭萬古國有常祀薦獻意

叙肅肅雍雍舊章咸舉神保聿歸介我稷黍

望瘞正安

地載萬物民資迺功報本稱祀太稷攸

同禮樂既備訖理愈恭神其降嘏時和歲豐

熙寧祭風師五首

迎神欣安

飄飄而來浙瀝而下爰張其旂爰整其

駕有豆有登有兆有壇弭旌枕輶降止且安

升降欽安盟悅于下有盤有匱饋酌于上有登有

爨服容柔止進退優止卽事寅恭神其休止

奠幣容安

育我嘉生神惠是仰載致斯幣庶幾用

享鼓之舞之式絜爾神錫福無疆佑此下民

亞終獻雍安 栗栗壇坫載是豆觴醇烈氤氳普薦

芬芳酌之維宜獻之維時民有報侑靈用安之

送神欣安 奠獻紛紛靈心欣欣超然而返衆御如

雲其施伊何多黍多稌其祥伊何不愆厥叙

大觀祭風師六首

降神欣安 羽旗雲帟飄飄自天猗歟南箕欣嘉升

煙牲餼粢盛俎簋銅籩維神戾止從空泠然

初獻升降欽安 明昭惟馨威儀孔時鏘鏘鳴 欽

薦牲犧惟恭惟祗萬

周旂中贊 恭

奠幣容安

吹嗟于喁披拂氤氳衆竅咸作潛運化

鈞息大功豐酬神惟恭嘉贈盈箱于物有容

酌獻雍安

犧尊斯陳清醑盈中芬芬苾苾馨香交

通明靈來思歆我精衷維千萬祀品物芘芘

亞終獻雍安

清醑洋洋虔恭注茲條鬯敷宣神用

歆之尊壘靜嘉金奏諧熙於皇肆祀休我羣黎

送神欣安

窈冥無窮彤嚮斯融來終嘉薦歸返遙

空惟神之歸欣安導和惟神之澤于彼滂沱

兩師五首

迎神欣安

神之無象亦可思索維雲陰陰維風莫

莫降止壇宇來顧芳馨侑以鼓歌薦此明誠
升降欽安 珮玉璆如黼黻禱如承神不懈訖獲嘉
虞聖皇命祀臣敢弗恭凡爾在位翼翼雍雍
奠幣容安 崇崇壇堦靈旣降止有嚴執奠承祀茲
始明靈在天式顧庶察澤潤以時永拂荒札
酌獻亞終獻雍安 寅恭我神惟上之使俾成康年
民俛休祉折俎旣登斟酒旣盈匪薦是專配以明誠
送神欣安 牲俎告徹嘉樂休成卒事有嚴燕虞高
靈蕃我民人育我稷黍萬有千祀承神之祐
紹興祭風師六首

迎神欣安 夫物網緼神氣撓之誰歟其司維南之
箕俶哉明度我祀維時我心孔勞神其下來

初獻升降盥洗欽安 神哉沛矣厥靈載揚揚靈如
何刻刻皇皇我其承之繩繩齊莊往從鬱人爰俠斯
芳

奠幣容安 物之流形甚畏瘡癘八風平矣嘉生以
遂絲縷之積有量斯幣惟本之報匪物之貴

酌獻雍安 我求於神無臭無聲神之燕享惟時專
精大磬在列燠燎在庭侑我桂酒娛其以聽

亞終獻 禮有三祀儀物視帝神臨消搖疇敢跛倚

重觴載申百味孔旨神兮樂康荅我以祉

送神

曲同

荃其止乎惾惾其容奄橫四海蹇莫之

窮時不驟得禮焉有終荃其行乎余心懔懔

雨師雷神七首

迎神欣安

衆萬之託動之潤之昭格孔時維神之

依洽然後先肆我有顧是耶非耶紛其來下

初獻盥洗升降欽安

言言桐宮爰考我禮維西有

壘維東有洗爰潔爰滌載薦其醴神在何斯匪遠只

邇

奠幣容安

霈兮隱兮蹶其陰威相我有終胡寧不

知我幣有陳我邸斯珪豈維有陳于以奠之

雨師位酌獻雍安

山川出雲裔裔而縷載霍載濛

其德迺溥自古有年胡然莫祖無簡我觴無怠我俎

雷神位酌獻

曲同

瞻彼南山有虺其出維蟄之奮

維癘之息眷焉顧饗在夏之日觴豆匪報皇忍忘德

亞終獻

曲同

作解之德形聲一兮爰展獻侑酌則

三兮我典有假云胡有私下土是冒庶其遠而

送神

曲同

陰旄載旋鼓車其鞭問神安歸宜然而

天皇有正命祀事孔蠲其臨其歸億萬斯年

雍熙享先農六首

餘同

祈穀

順治十六年刊

卷之九十一

七

降神靜安 先農播種九穀務滋靈壇致享良耜陳
儀吉日惟亥運屬純熙樂之作矣神其格思

奠玉幣敷安 親耕展祀明靈來格九有駿奔百司
庇職獻奠肅肅登降翼翼祈彼豐穰福流萬國

奉俎豐安 肅陳韶舞祗薦犧牲乃逆黃俎以率躬
耕

亞獻正安 祀惟古典食乃民天歆茲潔祀以應祈
年

終獻正安 式陳芳薦爰致虔誠神其降鑒永福黎
眀

送神靜安 明禋紺瓊靈風肅然登歌已闋神馭將

旋道光帝籍禮備公田鑒茲躬稼永錫豐年

明道親享先農十首

迎神靜安 稼政之本民食惟天甫田兆歲后稷其

先靈壇既祀黛耜攸虔乃聖能享億萬斯年

皇帝升降隆安 冕服在御壇壝有儀陟降左右天

惟顯思

奠玉幣嘉安 將躬黛耜先陟靈壇嘉玉量幣樂舉

禮彈神既至止福亦和安千斯積詠萬國多歡

奉俎豐安 迎景福乃薦嘉旌籍于千畝用此精

誠

皇帝初獻禧安 雲疊已寶玉爵有舟薦于靈籍佇
乃神休

飲福禧安 神既至享福亦來酬申錫純嘏旨酒維
柔思文后稷貽我來年子孫千億丕荷天休

退文舞進武舞正安 羽葆有奕文武交相周旋合
度福祿無疆

亞獻正安 豆籩雖薦黍稷非馨惠我豐歲歆茲至
誠

終獻正安 歆我嘉薦錫我蕃禧多黍多稌如京如

坻

送神靜安 獻終豆徹禮備樂成祠容肅肅風馭冥
冥三時務本一撥躬耕人祇胥悅祉福是膺

景祐享先農五首

迎神凝安 在昔神農首茲播殖無有污菜盡爲稼
穡乃粒斯民實惟帝力嘉薦令芳佇瞻來格

升降同安 居德之厚厥祀攸陳土膏初脉晨事先
春鏗然金奏儼若華紳陟降于阼福祿惟神

奠幣明安 農爲政本食乃民天苾芬明祀薦藜良
田陳茲量幣彼 豐年茂介福祉來欽吉蠲

酌獻成安 農神晨正平秩東作倬彼大田疇乃錢
罇酒醴盈尊金瓊合樂期茲萬年充于六幕
送神凝安 務嗇之本恤祀惟馨神斯至止降福攸
寧崇茲稼政合于禮經俎徹樂闋邈仰廻靈
先蠶六首

迎神明安 生民之朔衣皮而羣惟聖有作被冒以
文禮樂以成貴賤以分欲報之德金石諧均
升降翊安 掩抑笙簫鏗絃金石神來燕娛嘉我休
德奉祀之臣洗心翊翊錫茲福禧以惠四國
奠幣娛安 皇天降物屢化若神聖實先識躬以教

民功被天下爲萬世文幣以達志庶幾徹聞

酌獻美安 負哉聖神成功微妙迺交迺裳以供郊
廟百末旨酒嘉觴自炤靈徠燕響不嘖以笑

亞終獻惠安 神之 駕蹒蹒紫壇熙燭夜光會竽
瑟鳴球琅薦旨酒雜蘭芳佑明德錫百祥

送神祥安 神之功兮四海所宗占五帝兮莫與比
崇條往來兮旌旗容容恭明祀兮萬世無窮
紹興享先農十一首

皇帝入內壇盥洗降安 大事在祀齊潔爲先旣盥
而升奉以周旋下觀而化無敢不蠲惟神降格鑒厥

精虔

迎神靜安 猗歟田祖粒食之宗世世仰德青壇載

崇時惟后稷躬稼同功作配並祀以詔無窮

神農后稷位奠幣嘉安 制爲量幣厚意是將求之

以類各因其方于以奠之精誠允彰神其享止惠我

無疆

尚書奉俎豐安 柔毛剛鬣或剝或烹爲俎孔碩登

薦厥誠

酌獻禧安 蠲滌醎竿巾悅而升挹彼注茲酒醴維

清洋洋在上享于克誠神其孚佑以厚民生

文舞退武舞進正安 羽毛于戚張弛則殊進旅退

旅匪棘匪舒

亞獻正安 顯相祀事濟濟鏘鏘舉竿酌禮神其允

臧

終獻正安 殺核維旅酒醴維馨于再于三禮則有

成

飲福禧安 幽明位異施報理同克恭明神降福乃

豐我膺受之來燕來崇豈伊專享于彼三農

徹豆歆安 莫重於祭非禮不成籩豆有踐爾殺旣

馨神具醉止薦以齊明贊徹孔時釐事斯成

東廂王司甫

宋史志卷九十一

崇禎十一年

送神靜安 神之來止風駛雲翔神之旋歸有迎有將歌以送之磬筦鏘鏘何以惠民豐年穰穰

親耕籍田七首

皇帝出大次乾安 勤勞稼穡必躬必親爲籍千畝以教導民帝出乎震時惟上春天顏咫尺望之如雲親耕 元辰旣擇禮備樂成洪縻在手祇飾專精三推一發端冕朱紘靡辭染屨以示黎甿

升壇 方壇屹立陞級而登玉色下照臨觀耦耕萬目咸覩如日之升成規成矩百祿是膺

公卿耕籍 群公顯相奉事齋莊率時農夫舉耜載

揚播厥百穀以佑我皇多黍多稌不應農祥

郡官耕籍 旻旻良耜我田旣臧土膏其動春日載陽執事有恪于此中邦農夫之慶棲畝餘糧

降壇 肇新帝籍率我農夫三推終畝祇事成均陟降孔時粲然有文受天之祐多稼如雲

歸大次 教民稼穡不令而行進退有度琚瑀鏘鳴言還煩幄禮則告成帝命率育明德惟馨

紹興祀先農攝事七首

迎神凝安 青陽開動土膏脉起日練吉亥爲農祈祉典秩增峻儀物具美幄光煩黃庶幾戾止

初獻升殿同安 鹽淡 率職咸涖禮容睟然澡身端
意陟降靡愆神心嘉虞享茲潔蠲敷錫純佑屢登豐
年

奠幣明安 靈旂載臨見光陳贄有嚴篚實式將純
意盼嚮既接禮行有次神兮安留歆我禋祀

神農位酌獻成安 耒耜之教帝寔開先致養垂利

古今民天嘉薦報本于以祈年誠格和應神娛福延

后稷位酌獻成安 有周應曆實起后稷相時神功

率由稼穡振古稱祀先農並食阜我昌我時萬時億

亞終獻同安 旨具百味酌備三疇貳觴既畢禮洽

意周庶幾嘉享格神之幽相我穡事錫以有秋

送神凝安 熙事成兮始終潔齊籩豆徽兮搏節靡

垂靈有嘉兮降福孔皆栗然逝兮我心孔懷

祀先蠶六首

迎神明安 功被寰宇儼蟲之靈有神司之以生以

成典禮有初祀事講明孔蓋翠旌降集于庭

初獻盥洗升殿翊安 降 靈脩戾止詔以毛血既盥

而悅尊爵蠲潔金石諧宛登降有節宜顧宜享情文

不越

奠幣娛安 化日初長時當暮春蠶事方興惟后惟

嬪絲續御冬殘生濟人敢忘報本篚幣是陳
酌獻美安 盛服承祀出自公桑衣不羽皮利及萬
方百味旨酒有飴其香神其歆止洋洋在傍
亞終獻惠安 日吉辰良禮備樂作精誠內孚俎豆
交錯升歌清越侑此三爵黎民不寒幽顯同樂
送神祥安 神之來矣靈風肅然云胡不畱歸旒有
翩乃舉舊典歲以告虔降福我邦於萬斯年

景德蜡祭百神三首

降神高安 百物蕃阜四方順成通其八蜡合乃嘉
平旨酒斯醇大庖孔盈萬靈來格威儀以成

尊玉幣酌獻嘉安

肅肅靈壇昭昭上天潔粢豐盛

以享以虔百神咸萃六樂斯縣介茲景福期於有年
送神高安 來顧來享禮成樂備靈馭翩翩雲行雨
施

熙寧蜡祭十三首

東西郊降神熙安 天錫康年四方順成乃通蜡祭
索享于明金石四作羽旄翠旌神來燕娛澤被群生
升降肅安 惟蜡有祭報神之功合娶萬物來享來
宗承詔攝事不忘肅雍靈之格思福祿來崇
奠幣欽安 穰穰豐年絜侯休德帥承天和欽象古

則嘉玉量幣真容翼翼靈施暨民罔有終極
奉俎承安 禮崇明祀必先成民奉牲以告備膾其
均炮炙芬芬俎豆莘莘錫之純嘏以佑斯人
酌獻懌安 秩秩禮文為壇四方嘉粟旨酒百神迪
嘗敷與萬物既阜既昌伊樂厥福傳世無疆
亞終獻慶安 禮文備矣肅肅無譁金石諧節圭璧
光華粲以告豐禮以告嘉錫茲福祉以澤幽遐
送神宣安 靈之來下擴景乘光靈之迴御景龍以
讓鑿我休德降假庶祥大田多稼以惠魚疆
南北方迎神簡安 奕奕休德民和歲豐稼穡雲施

其積如墉惠我四國先嗇之功祭之百種來享來宗
升降穆安 皇皇靈德經緯萬方承詔攝事陟降以
莊高冠岌岌長佩鏘洋嘉承神貺令聞不忘
奠幣吉安 於穆明祀莫如報功靈之利澤惠我無
窮齋以滌志幣以達衷撫寧四極永錫登豐
酌獻禔安 英英禮文既備而全嚴嚴四郊屹屹紫
壇百末旨酒其敷若蘭何以畀民既壽而安
亞終獻曼安 林林生民含哺而嬉教之稼穡實神
之為圖報厚德萬祀無期以假以享錫我繁禧
送神成安 嘉薦芳美靈來宴娛旂車結雲若風馬

馳旣至而喜錫我蕃禧嘉承天貺曼壽無期

大觀蜡祭二首

東郊亞終獻慶安 震乘春陽仁司生殖錫我歲豐
襄我民力誰其尸之宗于先嗇億萬斯年懷神罔極
南郊升降穆安 穆如薰風敷舒文藻氣蒸消除豐
予黍稻神之聽之鍾鼓咸考於禹斯年惟皇之報

紹興以後蜡祭四十二首

東方百神降神熙安園鍾爲宮 玄冥凌厲歲聿其
周天地閉藏農且息休古爲蜡禮伊期肇修爰薦飴
馨以迓飈旂

黃鍾爲角 惟大明尊實首三辰功赫庶物光被廣
輪歲方索享成秩羣神靈旂來下尸此明禋

太簇爲徵 三時不害四方順成酬功報始以我齋
明幽頌土鼓樂此嘉平降祥幅員惠於函生

姑洗爲羽 日昱乎晝容光必照昡蠶之交惟人所
召有監在下視茲升燎厲若其承雲駢星曜

初獻升降肅安 禮儀告具必 容莊工歌屢奏聲
和義章崇壇陟降濟濟踳踳靈光共仰嘉薦芬芳

大明位奠玉幣欽安 晨曦未 天宇澄穆有虔秉
誠將以幣玉如在左右罔不祗肅神兮安留錫以祉

福

帝神農氏位奠幣

曲同大明

農為政本食乃民天神農

氏作民始刀田先嗇之配禮報則然有幣將之維以

告虔

后稷氏位奠幣

曲同大明

播種之功時惟后稷惟以配

天莫匪爾極崇侑清祀是為司嗇陳幣奠將永祚王

國

奉俎承安

享以精禋馨非稷黍工祝致告孔碩為

俎執事駁奔繩繩具舉神之嘉虐以介福是與

大明位酌獻擇安

肇禋備祀茲以民美報時和歲豐

奉醴以告惟照臨功等於載壽酌獻云初明神所勞

神農位酌獻

曲同大明

惟酒欣欣惟神冥冥是顧是享

來燕來寧耒耜之利神所肇興萬世永賴無斁其承

后稷位酌獻

曲同大明

釋之蒸之為酒為醴推本所由

於焉洽醴周邦開基邠家是啓獻茲嘉觴拜下首稽

亞終獻慶安

申以貳觴百味且旨禮告三終神具

醉止旌容騎奮揚光紛委降福穰穰被大豐羨

送神宣安

禮樂既成神保聿歸言歸何所地紀天

維豈惟屢豐嗣歲所祈億萬斯年神耒燕娛

西方百神降神熙安園鍾為宮

玄冬肇祀始于伊

嘉靖丙辰年

宋史志卷九十一

七

耆歲事聿成庸谷蕃釐眷言西顧匪神司之歸功爾
神翩其下來

黃鍾為角 魄生自西照望太陽下暨諸神既施萬

方節適風雨富我國箱恭承嘉祀惟以迪嘗

大簇為徵 神罔小大奠方茲土祭列坊墉禮迨猶

虎有功斯民祀乃其所非稷馨香厥福周溥

始洗為羽 豐年穰穰美芳職職邊豆方圓其儀孔

碩風馬在御雲卓載飭來顧來享維娛休德

初獻升降肅安 盥獻恭莊燎煙芬酷載陟載降禮

容可度欽惟爾神上下肅肅成我稷黍鑒此牲玉

夜明位奠玉幣欽安 穆太陰禮嚴姊事璧玉華

光推以袞對十二周天 乃有終盡我備物莫報元

功

神農位奠幣 曲同 未和肇興自神農氏稼穡滋殖

為農者始作配明祀奠以告虔萬世佃漁帝功卓然

后稷位奠安 曲同 明明周祖惟民之恤播種為教

下民廼粒曾是索饗而匪先公萬物難報阡陌之功

奉俎承安 時和歲登物亡疾疫實俎間膏報神之

福匪神福之曷成且豐肥膾咸有惟神之功

夜明位酌獻擇安 除壇西郊坎其擊鼓百靈至止

結璘作主和鬯湛淡玉竿觥膠是謂嘉德神其安留
神農位酌獻曲同夜明 蕩蕩鴻明稱秩群祀配以昔帝

式重農事潔我圭瓚黃流在中靈其鑒茲彤鬻豐融
后稷位酌獻曲同夜明 歲十二月祀有常典登列司嗇

言及其本酌彼泰尊百末蘭生承神嘉虞繫此德馨
亞終獸慶安 歌磬臚臚管蕭敷香飀御奄留申以

貳觴相與震澹告靈其醉庶幾聽之成我熙事
送神宣安 禮備樂成澹然將歸其留消搖象輿已

載偃蹇欲矚羽毛紛委忽乘杳宜遺此福祉
南方百神迎神簡安 維物之精散乎太空維索之

饗合聚而同迺擊土鼓于歲之終格彼幽矣彤嚮其
通 初獻盥洗升降穆安 有悅其新有匪其潔言念清

祀弗簡弗褻誠意既交品物斯列是用告虔靡神不
說 奠幣吉安 百室機杼衣褐具宜民以卒歲神實惠

之言舉祀典咨神之釐有筐斯陳振古如茲
神農位酌獻穆安 肇降生民有不粒食維時神農

迺為先嗇爾耒爾耜云誰之因酌以污尊我思古人
后稷位酌獻穆安 維后之功配天其大祀而稷之

嘉靖丙辰年 天史志卷第九十一 二

萬世如在黃冠野服駿奔皇皇自古有年神其降康
亞終獻曼安 豐年孔多百禮以洽匪極神歡何以
昭答載酌之酒用申其勤神具醉止與物交欣

送神成安 卒爵樂闋禮儀告備神保聿歸敢以辭
致順成之方其蜡乃通自今以始八方攸同

北方百神迎神簡安 蕩蕩闡決氣清沉寥彷彿象

輿麗于穹霄寒其來下肅然風稟神乎安留於焉消

搖

初獻盥洗升降穆安 齊誠揭虔敬恭祀事維儼之

容維潔之器雍雍樂成肅肅禮備神其燕娛錫祉庶

類

奠幣吉安

配位同

神宅于幽呦呦沈沈至和塞明考

我德音神聽靜嘉儼乎若臨幣以薦誠敢有弗欽

神農氏位酌獻禋安 先嗇之功神實稱首以耜以

耒俶載南畝列籍皇墳億世是守何以爲報爰潔茲

酒

后稷氏位酌獻禋安 煌煌后稷實配于天司穡作

稼民以有年匪神之私歲以醴告酌彼泰尊于德之

報

亞終獻曼安 蘭生百末申以貳觴神具醉止爛其

容光遺我豐年萬億及秭俾民驩康以洽百禮

送神成安 靈之來兮蚪龍沓沓下土光景憑陵闡

闔靈之旋兮羽衛委蛇偃蹇高驥遺此蕃釐

景祐祭文宣王廟六首

迎神凝安 大哉至聖文教之宗紀綱王化丕變民

風常祀有秩備物有容神其格思是仰是崇

初獻升降同安 右文興化憲古師今明祀有典吉

日惟丁豐犧在俎雅奏來庭周旋陟降福祉是膺

奠幣明安 一王垂法千古作程有儀可仰無德而

名齊以滌志幣以達誠禮容合度黍稷非馨

酌獻成安 自天生聖垂範百王恪恭明祀陟降上

庠酌彼醇旨薦此令芳三獻成禮率由舊章

飲福綏安 犧象在前豆籩在列以享以薦既芬既

潔禮成樂備人和神悅祭則受福率遵無越

兗國公配位酌獻成安 哲宗朝增此一曲 無疆之祀配侑

可宗事舉以類與享其從嘉粟旨酒登薦惟恭降此

遐福令儀肅雍

送神凝安 肅肅庠序祀事惟明大哉宣父將聖多

能歆馨肱蠶迺馭凌兢祭容斯畢百福是膺

大觀二年釋奠六首

迎神凝安 仰之彌高鑽之彌堅於昭斯文被千萬
年峩峩膠庠神其來止思報無窮敢忘于始

升降同安 生民以來道莫與京溫良恭儉惟神惟
明我潔尊壘陳茲芹藻言升言旋式崇斯教

奠幣明安 於論鼓鍾于茲西雍粢盛肥碩有顯其
容其容洋洋咸瞻像設幣以達誠歆我明潔

酌獻成安 道德淵源斯文之宗功名康粃素王之
風碩兮斯牲芬兮斯酒綏我無疆與天爲久

配位酌獻成安 儼然冠纓崇然廟庭百王承祀消
辰惟丁于牲于醑其從予享與聖爲徒其德不爽

送神凝安 肅莊紳綏吉蠲牲犧於皇明祀薦登惟
時神之來兮盼嚮之隨神之去兮休嘉之貽

大晟府擬撰釋奠十四首

迎神凝安黃鍾爲宮 大哉宣聖道德尊崇維持王

化斯民是宗典祀有常精純並隆神其來格於昭盛
容

大呂爲角 生而知之有教無私成均之祀威儀孔
時維茲初丁潔我盛粢永適其道萬世之師

大簇爲徵 巍巍堂堂其道如天清明之象應物而
然時維上丁備物薦誠維新禮典樂諧中聲

應鍾爲羽 聖王生知闡迺儒規詩書文教萬世昭
垂良日惟丁靈承不爽揭此精虔神其來享

初獻盥洗同安 右文興化憲古師今明祀有典吉
日惟丁豐犧在俎雅奏在庭周旋陟降福祉是膺

升殿同安 誕興斯文經天緯地功加于民寔千萬
世笙鏞和鳴粢盛豐備肅肅降登歆茲秩祀

奠幣明安 自生民來誰底其盛惟王神明度越前
聖粢幣具成禮容斯稱黍稷非馨惟神之聽

奉俎豐安 道同乎天人倫之至有饗無窮其興萬
世旣潔斯牲粢明醑旨不懈以忱神之來暨

文宣王位酌獻成安 大哉聖王實天生德作樂以
崇時祀無斃清醑惟馨嘉牲孔碩薦羞神明庶幾昭
格

兗國公位酌獻成安 庶幾屢空淵源深矣亞聖宣
猷百世宜祀吉蠲斯辰昭陳尊簋旨酒欣欣神其來
止

鄒國公位酌獻成安 道之由興於皇宣聖惟公之
傳人知趨正與享在堂情文寔稱萬年承休假哉天
命

亞終獻用文安 百王宗師生民物軌瞻之洋洋神

其寧止酌彼金罍惟清且旨登獻惟三於噫成禮
徹豆娛安 犧象在前豆籩在列以饗以薦既芬既
潔禮成樂備人和神悅祭則受福率遵無越
送神凝安 有嚴學宮四方來宗恪恭祀事威儀雍
雍歆茲惟馨颺馭旋復明禋斯畢咸膺百福
景祐釋奠武成王六首

迎神凝安 維師尚父賜履分封靈神峻密祀事寅
恭蕭薌祗薦颺馭排空如幾如式福祿來崇

太尉升降同安 上公攝事袞服斯皇禮容濟濟佩
響鏘鏘靈旂惚恍嘉薦令芳神具醉止降福穰穰

奠幣明安 四嶽之裔涼彼武王發揚蹈厲周室用

昌追封廟食簡冊增芳升幣以奠磬筦鏘鏘

酌獻成安 獵渭之陽理宜嘉應非龍非虎聿求元

聖平易近民五月報政祀典之崇於斯為盛

飲福綏安 神機經武降周之寓表海分封邁燕超

魯眈眈廟貌俎豆有序薦福邦家維師尚父

送神凝安 聖朝稽古崇茲武經禮交樂舉于神之

庭嘉粟旨酒既饗芳馨永嚴列象劒舄簪纓

熙寧祀武成王一首

初獻升降同安 武德泂泂日靖四方百王所祀休

有烈光命官攝事佩玉鏘鏘思皇多祐以惠無疆
大觀祀武成王一首

酌獻成安 涼彼周王君臣相遇終謀其成諸侯來
許洋洋神靈尊載酒醑新聲爲侑笙簫備舉

紹興釋奠武成王七首

迎神凝安姑洗爲宮 於赫烈武光昭古今載嚴祀

事救備惟欽既潔其牲既諧其音神之格思來顧來
歆

初獻升殿同安 肅肅廟中有嚴階城匪棘匪徐進
退可則冕服是儀環珮有節神之鑒觀率履不越

奠幣明安 祀率舊典禮崇駿功齊明衷正肱蠶豐

融量幣肅備周旋鞠躬神其昭受幽贊無窮

正位酌獻成安 赫赫尚父時維鷹揚神潛韜略襟

抱帝王談笑致主竹帛流芳國有嚴祀載稽典常

留侯位酌獻 眷彼留侯奇籌贊漢依乘風雲勒成

功旦克配明禋儀刑有煥英氣如生來格來衍

亞終獻正安 道助文德言爲世師功名不泯祀事

無遺旨酒惟馨具醉在茲有嘉累獻神其燕娛

送神 日惟上戊神顧精純禮備三獻樂成七均奄

留洋洋流福無垠言還恍惚空想如存

紹興祀祚德廟八首

迎神凝安姑洗爲宮 匿孤立後惟義惟忠昔者神
考追錄乃功祀典載加進爵錫公神兮降格尚鑒褒
崇

初獻升降同安 廟宇更新輪奐豐敞神靈如在英
姿颯爽執事進趨降升俯仰威儀翼翼虔祈歆饗
奠幣明安 牲薦碩大幣致精純聿升祀事茲用兼
陳箱篚旣實奠獻惟寅饗我至意福祿來成

疆濟公位酌獻成安 以身託孤實惟死友撫嫗長
之若父若母潛授于韓克興厥後崇廟以獻德侈報
厚

英略公位酌獻成安 立孤固難死亦匪易義輕一
身開先趙嗣肅穆廟貌烈有餘氣式旋嘉薦昭哉祀
事

啓佑公位酌獻成安 於皇時宋永祚有其基始繫覆
護扶而立之敢忘昭吝牲分酒醴靈其燕饗益相本
支

亞終獻用正安 啣啣靈宇神安且翔三摺鼎峙中
薦嘉觴凜若義氣千載彌光猗其祐之錫羨無疆

送神凝安 禮樂云備畢觴爾神翊翊音送轎輿若

聞駕言歸兮靈存結雲祚我十億介福來臻
司中司命五首

迎神欣安 冠峩峩兮服章粲粲靈來下兮進正委

蛇我消我壇我潔我俎降輿卻旌於茲享御

升降歛安 紳綏舒舒佩環鏗鏗陟降上下壇燎光

明有盥于壘有屹于巾不吳不敖庶以安神

奠幣容安 我誠既潔我豆既豐神來降斯有儼其

容薦此嘉幣肅肅雍雍何以侑之於樂鼓鍾

酌獻雍安 酌茲旨酒既盈且芬式用來歆衍衍熏

熏何以寧神薦有嘉籩何以錫民曰惟豐年

送神欣安 雲兮飄飄風兮稜稜颺馭反空杲日來

昇歸旆揚揚衆樂鏘鏘我神式懽思我嘉祥

五龍六首

迎神禧安 神之智兮躍漢潛幽欲參擾兮無董與

劉陳金石兮佐侑牢羞庶燕享兮澤惠民求

升降雅安 靈之至兮逸駕騰驤噓雲吸氣承祀日

光展詩鳴律肅莊琳琅何以膺神貺惠無疆

奠幣立安 維靈德兮變化不常沛大澤兮周流八

荒奠嘉幣兮肅雍不忘永佑民兮錫以靈穰

酌獻愷安 練吉日兮進神之堂牲既陳兮粢盛既

香尊桂酒兮容與嘉觴靈安留兮錫我福祥
亞終獻嘉安 明明天子禮文咸秩矧神之功橫被
九域雲施稱民物產滋殖嘉承惠和罔有終極
送神登安 靈之來下以雨先驅靈之旋馭五雲結
車操環應夏發匣端虞真人在御來獻珍符

志卷第九十一

宋史一百三十八

開府儀同三司上柱國兼國事前行書右丞相監修國史領經筵事都總裁嚴
勅修

樂十三

樂章七

朝會 御樓 肆赦
恭上皇帝皇太后尊號上

建隆乾德朝會樂章二十八首

皇帝升坐隆安 天臨有赫上法乾元鏗鏘六樂儼
恪千官皇儀允肅五坐居尊文明在御禮備誠存
公卿入門正安 堯天協紀舜日揚光淑慎爾止率
由舊章佩環濟濟金石鏘鏘威儀炳煥至德昭彰

上壽禧安 乾健爲君坤柔爲臣惟其臣子克奉君親永御皇極以綏兆民稱觴獻壽山岳嶙峋

舜韶更奏堯酒浮觴皇情載懌洪筭無疆基隆郊廓德茂陶唐山魏日煥地久天長

皇帝舉酒第一盞用白龜 聖德昭宣神龜出焉載白其色或游于川名符在治瑞應巢蓮登歌丹陛紀

異靈篇

第二盞甘露 天德冥應仁澤載濡其甘如醴其凝

如珠雲表潛結顯英允敷降于竹帛永昭瑞圖

第三盞紫芝 煌煌茂英不根而生蒲茸奪色銅池

著名晨敷表異三秀分榮書於瑞興光我文明

第四盞嘉禾 嘉彼合穎致貢升平異標南畝瑞應

西成德至於地皇祇效靈和同之象煥發祥經

第五盞玉兔 盛德好生網開三面明視標奇昌辰

乃見育質雪園淪精月殿著于樂章色含江練

羣臣舉酒正安 戶牖嚴丹屨鸞鸞造紫庭懇祈南

岳壽勢拱北辰星得士於茲盛基邦固以寧誠明一

何至金石與丹青

簪紱若雲屯晨趨闔闔門僊僊羅禹會濟濟奉堯罇周禮觀明備天儀仰睟温高卑陳表著同拱帝王尊

待涌造王庭威儀盛莫京紛綸簪組列清列珮環聲
禮飲終三爵韶音畢九成永固鳧藻樂千載奉升平
羣臣第一盞畢作玄德升聞 治定資神武功成顯
睿文貢輸庭實旅朝會羽儀分偃革千年運垂衣萬
乘君孰知堯舜力明德日升聞
約法皇綱正宗文寶曆昌邁人振木鐸農器鑄干將
瑞日含王宇卿雲藹帝鄉萬邦成一統鴻祚與天長
六變 宸宸威容盛聲明禮樂宣九州臻禹會萬國
戴堯天貢職輸琛費皇猷煥簡編含和均暢茂鳩慶
結非煙

朝會儼威儀司常建九旗舞容分綴兆文物辨威蕤
運格桃林牧祥開洛水龜帝功潛日用化俗自登熙
螭階聊載筆紀瑞軼唐虞丹鳳儀金奏黃龍負寶圖
羣材薪棫樸仁政煦蒲盧蕩蕩巍巍德豚魚信自孚
接聖宅神都方來五達區國賢熙帝載靈命握乾符
至化當純被斯文益誕敷車書今混一聖治奉三無
聖王臨大寶八表湊才賢經緯文天賦剛柔德日宣
建邦隆柱石造物運陶甄共致升平業綿長保億年
神化妙無方巍巍邁百王鶴書搜隱逸龍陛策賢良
拱揖朝群后賓筵闢四方洪圖基億載淳曜德彌光

第二盞畢天下大定 皇猷敷八表武誼肅三邊
蘭錡韜兵日靈臺偃伯年奉珍皆述職削衽盡朝天
功德超前古音徽播管弦

伐叛天威震恢彊帝業多削平侔肅殺涵煦極陽和
蹈厲觀周舞風雲入漢歌功成推大定歸馬偃琯戈
六變 揚厲日乾乾潛蟠或躍淵伐謀參上策受鉞
總中堅田訟歸周日民謠戴舜年風雲自冥感嘉會
翼飛天

壺關方逆命投袂起親征虎旅聊攻伐梟巢遽蕩平
天威清朔漠仁澤被黎泯按節皇輿復洋洋載頌聲
蠢茲淮海帥保據毒黎苗不悟龍興漢猶同犬吠堯
六師方雨施孤壘自冰消千載逢嘉運華夷奉聖朝
上游荆楚要澤國洞庭深自識同文世皆廻拱極心
一戎聊杖鉞九土盡輸金大定功成後薰風入舜琴
席卷定巴邛西遐盡率從岷岷難負阻江漢自朝宗
述職方舟集驅車九折通粲然書國史冠古耀豐功
銳旅慶回旋邊防盡宴然鍵橐方偃武飛將亦韜弦
震曜資平壘文明協麗天泯泯成大業赫奕在青編
淳化中朝會二十三首

上壽和安 四序伊始三陽肇開條風入律玉琯飛

灰望雲肅謁鳴佩斯來稱觴獻壽瞻拱星廻

一陽應候萬國同文天正紀節太史書雲凝旒在御
列敘爰分壽觴斯薦祝慶明君

皇帝初舉酒用祥麟 聖皇御寓仁獸誕彰在郊旅
貢游時呈祥星辰是稟草木無傷紀異信史登歌太
常

再舉酒丹鳳 九苞薦瑞戴德膺仁藻翰爰奮靈音
載振非時不見有道則臻降岐匪匹儀舜爲隣
三舉酒河清 沔彼涇瀆澄明鑑如清應寶運光涵
帝居洞分沈璧徹見游魚聖祚無極神休偉與

四舉酒白龜 稽彼靈物允昭聖皇浮石可躍巢蓮

益光金方正色介族殊祥信書永耀帝德無疆

五舉酒瑞麥 芄芄嘉麥擢秀分岐甘露夕洒惠風

晨吹良農告瑞循吏稱奇歸美英主折而貢之

羣臣初舉酒畢作化成天下 軒昊方同德成康粗
比肩素風惟普暢皇道本無偏陰魄重輪滿陽精五
色圓要荒咸率服卓越聖功全

聖德比陶唐千年祚運昌茂功雖不宰鴻業自無疆
極塞成清謐齊民益阜康文明同日月遐邇仰輝光
六變蕩蕩 無私世巍巍至聖君山河分國寶日月

耀人文厭浥凝甘露輪困吐慶雲正聲兼大雅洋溢
應南薰

鴻範合彝倫調元四序均歲功天吏正御苑物華新
底貢陳方物來賓列遠人奉觴呈九奏嘉貺動穹旻
大君隆至化興運契千齡覲禮俄班瑞夷賓盡實庭
成文調露樂奉聖拱辰星舞佾方更進朝陽上楚萍
禮樂招王業寰區致太平革車停北狩雲稼屢西成
國有詳延詔鄉聞講誦聲日華融五色遐邇仰文明
亭障戢干戈人心浹太和務農登寶穀獵俊設雲羅
儀鳳書良史祥麟載雅歌嘉晨資宴喜星拱弁峩峩

冠古耀鴻徽深仁及隱微二南江漢詠九奏鳳凰飛
設虞羅鐘律盈庭到舞衣文明資厚德怡懌兆民歸
再舉酒畢威加海內革輅征汾晉隳城比燎毛桓
桓勗軍旅將將禦英豪神武誠無敵天威詎可逃王
師宣利澤霑若沃春膏

振萬方明德疾徐咸可觀鏗鏘動金奏蹈厲總朱干
夾進昭威武申嚴警宴安守方推猛士當用鶡爲冠
六變宣謝始觀兵桓桓稱鼓行一戎期大定載績
議徂征善政從師律神功冀武成勗哉勤誓衆王業
自經營

聲教方柔遠歐閩禮可招獻圖連日際歸國象江潮
撫運重熙盛提封萬里遙還同有虞氏文德格三苗
南暨宣皇化東吳奉乃神舞千方耀德執玉自來賓
巢伯朝丹陛韓侯覲紫宸古今歸一揆懷遠道彌新
遺俗續陶唐來蘇後聖皇布昭湯弔伐恢復漢封疆
金鉞申戡剪朱干示發楊宜哉七德頌千載播洋洋
乃眷嘗西顧偏師暫首征靈旗方直指曠俗自亡精
禹敘終馴致堯封漸化成不須嚴尉候於廓海彌清
干戚有司傳威容著凱旋衆成王業盛役輟武功全
兵寢西郊閱書惟北闕縣聖神膺景命卜世萬斯年

景德中朝會一十四首

皇帝升坐隆安 金奏在庭羣后在位天威煌煌嚮
明負宸高拱穆清弁冕端委盛德日新禮容有煒
公卿入門正安 萬邦來同九賓在位奉璋薦紳陟
降庭止文思安安威儀棣棣臣哉隣哉介爾蕃祉
上壽和安 天威煌煌山龍采章庭實旅百上公奉
觴拱楫羣后端委垂裳永錫難老萬壽無疆
皇帝初舉酒祥麟 帝圖會昌二獸效祥雙角共觚
示武不傷四靈爲畜玄枵耀芒公族信厚元元阜康

鳳

矯矯長離振羽來儀和音中律藻翰

品物攸宜至德玄感受天之祺

三舉酒河清 德水湯湯發原靈長皎鑒澄徹千年

效祥積厚流濕資生阜昌朝宗潤下善利無疆

羣臣舉酒正安 思皇多士靖恭者位鳴玉飛綉鏘

鏘濟濟宴有折俎以示慈惠罔敢不祗福祿來暨

金奏在庭有酒斯旨顚顚叩叩嚮明負辰湛湛露斯

式宴以喜佩玉藻兮罔不由禮

酒以成禮樂以侑食露湛朝陽星環紫極淑慎爾容

既飽以德進退周旋威儀抑抑

初舉酒畢盛德升聞 八佾具呈萬舞有奕既以象

功又以觀德進旅執退執籥東雇至化懷柔遠人來
格

閭闔天開羣后在位設業設虛庭燎晰晰斧扆當陽
虎賁夾陛舞之蹈之四噢來暨

再舉酒華天下大定 武功既成綴兆有翼以節八
音以象七德俟俟躄躄朱干玉戚發揚蹈厲其儀不
忒

偃伯靈臺功成作樂以昭德容以清戎索萬邦會同
邪慝銷鑠盡善盡美侔彼詔箭

降坐降安 被袞當陽穆穆皇皇擊石拊石頌聲揚

揚和樂優洽終然允臧禮成而退荷天百祥
大中祥符朝會五首

皇帝舉酒醴泉 屬沸盪泉寒流清泚地不愛寶其
旨如醴上善至柔盡休所啟利澤無疆允資岱禮

再舉酒神之 彼茁者芝茂英煌煌敷秀喬嶽寔繁
其房適符脩貢封巒允臧永言登薦抑惟舊章

三舉酒慶雲 惟帝佑德卿雲發祥紛紛郁郁五色
成章奉日逾麗回風載翔歌薦郊廟播厥無疆

四舉酒靈鶴 玄文中錫嘉祥紹至偉茲胎禽羽族
之異翻翰來儀徘徊嘹唳祚聖儲休聿昭天意

五舉酒瑞木 天生五材木曰曲直維帝順天厚其
生植連理效祥成文表德總萃坤珍永光秘刻

熙寧中朝會六首
皇帝初舉酒慶雲 乾坤順夷皇有嘉德爰施慶雲

承日五色輪困下乘萬物皆飾惟天祚休長彼無極
再舉酒嘉禾 彼美嘉禾一莖九穗農疇告祥史牒

書瑞擊壤歡歌如京委積留獻春種昭錫善類

三舉酒靈芝 皇仁溥博品物蕃滋慶祥回復秀發
神芝靈華雙舉連葉四施披圖按牒永享純禧

酒會三首

靈芝

嘉瑞降臨應我皇德燁燁神芝

不根而植春秋三秀晝夜一色物播詩歌聲被金石
再舉酒壽星 倬彼星象於昭于天維南有極離丙
之躔既明且大應聖乘乾誕受景福億萬斯年

三舉酒甘露

泫泫零露雲英醴溢和氣凝津流甘

委白飴泛泮林珠聯竹栢天不愛道聖功允格

哲宗傳受國寶三首與大朝會兼用

永昌

於穆我王繼序不忘明昭上帝上帝是皇長

發其祥惠我無疆受命于天既壽永昌

神光

惟皇上德伊嘏我王將受厥明載錫之光於

昭于天曄曄煌煌緝熙欽止其永無疆

翔鶴

彼鳴在陰亦白其羽聲聞于天來集斯所勉

勉我王咸遂厥宇播于異物受天多祐

紹興朝會十三首

皇帝升座乾安

鈞陳肅列金奏充庭顙仰南面如

日之昇垂衣拱手治無能名順履獻歲大安大榮

公卿入門正安

同升降

天子當陽臣工率職流水朝

宗衆星拱極環佩鏘鏘威儀抑抑上下交欣同心同

德

上公上壽和安

八音克諧萬舞有奕上公奉觴率

茲百辟聲効呼嵩祝聖人壽億載萬年天長地久
皇帝初舉酒瑞木成文 厚地效珍嘉禾紀瑞匪刻
匪雕具文見意三登太平允協聖治詩雅詠歌有光
旣醉

再舉酒滄海澄清 百谷王符聖治不揚波效殊祉
德淪淵滄海清應千秋敘五行

三舉酒瑞粟呈祥 至治發聞惟馨香播厥百穀臻
穰穰農夫之慶歲其有禾易長畝盈倉箱時和物阜
粟滋茂嘉生駢穗來呈祥自今以始大豐美行旅不
用齋餼糧

羣臣酒行正安 羣公卿士咸造在庭式燕以衍恩
均露零穆穆明明於斯爲盛歸美報上一人有慶
明明天子萬福來同嘉賓式燕曷不肅雍燕以示慈
式禮莫愆樂胥君子容止可觀

酒一行文舞 帝德誕敷銷爍羣慝近悅遠來惟聖
時克玉振金聲治功興起韶箎象之盡善盡美
文物以紀藻色以明禮備樂舉適觀厥成睿知有臨
誕敷文德教雨化風洽此四國

酒載行武舞 用戒不虞誰能去兵師出以律動必
有名拆彼遐衝布昭聖武和衆安民時惟多助

止戈曰武惟聖爲能御得其道無敢不庭整我六師
稽諸士德不異不揚有嚴有翼

皇帝降坐乾安 帝坐熒煌庭紳肅穆對揚天休各
忝爾服頌聲洋洋彌文郁郁禮備樂成永膺多福

建隆御樓三首

南郊回仗駕至樓前采茨 高煙升太一明祀達乾
坤天仗回嶢闕皇輿入應門簪裳如霧集車騎若雲
屯兆庶皆翹首巍巍萬乘尊

升坐隆安 禋祀畢圓丘嘉辰慶澤流天儀臨觀魏
盛禮藹風猷洋溢歡聲動氤氳瑞氣浮上穹垂眷佑

邦國擁鴻休

降坐隆安 華纓在列左衽來王帝儀炳煥大樂鏗
鏘禮成嶢闕言旋未央一人有慶萬壽無疆

咸平御樓四首

采茨 禮成于郊迎日之至時乘六龍天旋象魏端
門九重虎賁萬騎四夷來王群后輯瑞

索扇隆安 應門有翼羽衛斯陳山龍袞冕律度聲
身莪莪奉璋肅肅九賓清明在躬志氣如神

升坐隆安 圜丘類上帝六變降天神禋燔禮云畢
仗衛肅以陳天顏瞻咫尺王澤熙陽春玉帛臻禹會

動植霑堯仁

降坐隆安 肆旨云畢淳熙溥將雷雨麗澤雲物效
祥禮容濟濟天威皇皇大賚四海富壽無疆
咸平籍田回仗御樓二首

采茨 農皇旣祀禮畢躬耕商輅旋軫周頌騰聲觀
魏將陟服御爰更輿人瞻仰如日之明

升坐隆安 應門斯御雉扇爰開人瞻日月澤動雲
雷同風三代均禧九垓歡心允洽時詠康哉

乾興御樓二首

升坐隆安 夾鐘紀月初吉在辰青災流慶有德惟

仁采章震耀典禮具陳茂昭丕貺永庇斯民

降坐隆安 皇衢赫敞黼坐穹崇華纓在列嚴令發
中王制鉅麗寶瑞豐融均禧縣寓萬壽無窮

紹興登門肆赦二首

升坐乾安 拜况于郊皇哉唐哉熙事休成六駢鼎
來天闔以決地垠以開憤祉發祥如登春臺

降坐乾安 鴻霈普洽言歸端門蕩蕩巍巍旋乾轉
坤穆然宣室儲思垂恩於萬斯年敷錫群元

寧宗登門肆赦二首

升坐乾安 帝饗于郊荷天之休五福敷錫皇明燭

幽雲行雨施仁翔德游聖人多男歌頌九州

降坐乾安 大日清晏朝野靖安三靈答祉萬國騰

權帝命不違王業艱難天子萬年永迪監觀

皇帝上尊號一首

冊寶入門正安 於穆元后天臨紫宸飛綏星拱建

羽林芬徽冊是奉鴻名愈親荷茲介祉永永無垠

明道元年章獻明肅皇太后朝會十五首

皇太后升坐聖安 聖母有子重光類禋聖皇事母

感極大人百辟在庭九儀具陳禮容之盛萬國咸賓

公卿入門禮安 帝率四海承顏盡恭端闈肅設群

後來同玉佩鏘鳴衣冠有容英韶節步磬管雍雍

皇帝上壽酒崇安 天子之德形於四方尊親立愛

化洽風揚聖母禕衣明君黼裳因時獻壽克盛朝章

上壽福安 盛禮煌煌六衣有光千官在位百福稱

觴乾德慈仁邦斯淑祥如山之壽佑聖無疆

皇太后初舉酒玉芝 燁燁靈芝生於殿闈照映華

拱紛敷玉蕤感召元和光符聖期祥篇協吉百福咸

宜

再舉酒壽星 現彼南極昭然瑞文騰光西位薦壽

中宸太史駢奏升歌有聞軒宮就養億萬斯春

三舉酒奇木連理 王化無外坤珍效靈旁枝內附
直榦來并羣分非一祺祥紹登至誠攸感海縣斯寧
羣臣酒行禮安 肅肅臨下有威有容循循事上惟
信惟忠盛禮興樂示慈訓恭君臣協吉惟道之從
湛湛承露晞於載陽我有旨酒羣臣樂康既飲以德
亦圖爾良永言脩輔用協天常

禮均孝慈樂合韶武至德光矣鴻恩亦溥上下和濟
華夷樂滑醜竿三行盛儀斯舉

酒一行畢作厚德無疆之舞 堯母之聖放勛爲子
同心協謀永遠能邇以德康俗以文興治斯焉象功

罔不昭濟

至矣坤元道符惟聖就養宸極助隆善政翟籥紛舉
笙鏞協應翺有容表德之盛

酒再行四海會同之舞 七德之舞四朝用康有如
姬妣助集周邦威克厥愛居安不忘風旋山立濟濟
皇皇

左秉朱干右揮玉戚以象武綴以明皇德天子榮養
群臣述職四夷賓附罔不承式

降坐聖安 長樂居尊盛容有煒文王事親萬國歸
美朝會之則邦家之紀受福于天克昭隆禮

治平皇太后皇后冊寶三首

皇帝升坐乾安 王化之始治繇內乎時庸作命玉簡金書磬筦在庭其縱繹如天臨法辰禮與誠俱太尉等奉冊寶入門正安 晬儀臨拱丕命明敷鸞回寶勢鴻貫瑤光禮成樂備德裕名芳肇基王化永懋天祥

皇帝降坐乾安 袞衣繡裳嚴威肅莊八音具張龔虞龍驤玉簡瑤章金書煌煌壽千萬年與天比長熙寧皇太后冊寶三首

出入正安 煌煌鳳字玉氣宛延天門岷岫飛驂後

先龍龔四合奏鼓淵淵母儀天下何千萬年

升坐乾安 我我綉宸旒佩以登如彼杲日凌天而

升玉色下照豐疊繩繩綺敷大孝四海其承

降坐乾安 皇帝降席流雲四開堯趣舜步下躡天

階恭授寶冊翠旒裴回明明純孝鴻厘大來

哲宗上太皇太后冊寶五首

皇帝升坐乾安 大矣孝熙帥民以躬奉承寶冊欽

明兩宮萬樂具舉一人肅雍化繇土始四海來同

降坐乾安 皇帝仁孝總臨萬方褒顯其親日嚴以

莊懿家寶龔玉書煌煌傳之億世休有烈光

大皇太后升坐乾安 總裁度政擁佑嗣皇金書玉
寶其美章衆歌警作筦磬將將保安四極降福無
疆

降坐乾安 塗山之德涓涖之祥圖徽寶冊玉色金
相管效燁煜鐘鼓喤喤天之所啓既壽而昌

太尉等奉冊寶出入門正安 玉車臨御鳳蓋焚麗
奉承寶冊彌文盛儀抗聲極律助我孝熙天之所佑
萬壽無期

紹興十一年發皇太后冊寶八首

皇帝隨冊寶降殿聖安 景祚有開符天媿昊誕毓

聖神是崇位號星拱天隨祗嚴冊寶還御慈寧增光
舜道

中書令奉冊詣皇帝褥位禮安 聲樂備陳禮容罔

忒相維辟公虔奉玉冊皇則受之慕形於色既壽且
康與天無極

侍中奉寶詣皇帝褥位禮安 祖啓搖光誕生明聖

尊極毋儀帝康作命寶章煌煌導以笙磬還燕慈寧
邦家徯慶

太傅奉冊寶出門聖安 肅肅東朝帝隆孝治猗歟
不稱寶冊斯備皇扉四闕導迎慶瑞德邁大任有周

十世

太傅奉冊寶入門聖安 靜順坤儀聖神是育懿鑠
昭陳鏤文華玉樂奏既備禮儀不瀆導迎善祥翟車
歸冕

太傅奉冊授提點官禮安 孝奉天儀信維休德發
越徽音禮文靡忒永保嘉祥時萬時億歸于東朝含
飴燕息

太傅奉冊授提點官禮安 肅雍長樂克篤其慶河
洲茂德沙麓啓聖是生睿哲蚤隆丕運欽稱鴻寶永
膺天命

冊寶升慈寧殿幄聖安 禮行東朝樂奏大呂羽衛
森陳簪紳式序雲幄邃嚴宏典是舉天子萬年母儀
寰宇

乾道七年恭上太上皇帝太上皇后尊號十一首
冊寶降殿正安 元祀介福孰綏孰將歸于尊親孝
哉君王載鏤斯牒載琢斯章得名得壽如虞如唐
中書令侍中奉冊寶詣殿下正安 宗郊斯成交舉
典冊汝輔汝弼威儀是力陳于廣庭迨此上日巍巍
煌煌烏覩在昔

皇帝奉太上皇帝冊寶授太傅用禮安

奉太上皇后同儀物

陳矣禮樂明矣天子戾止詒爾臣矣陟降維則恭且勤矣茫茫四海德教形矣

冊寶出門正安 天門九重蕩蕩開徹金支秀華垂紳佩玦或導或陪率履不越注民耳目四表胥悅

冊寶入德壽宮門正安 禮神頌祗福祿來下不有榮名孰緝伊嘏千乘萬騎魚魚雅雅皇扉洞開鞠躬如也

太上皇帝升御坐降同 穆穆聖顏安安天步有縟者

儀以莫不舉天人和同恩澤洋普億載萬年為眾父父

太傅奉太上皇帝冊寶升殿用聖安 大哉堯乎南

嚮垂裳君哉舜也拜而奉觴繅藉光華鼓鍾鏗鏘三事稽首宋德無疆

太傅奉太上皇后冊寶升殿用聖安 乾元資始坤元資生允也聖德同實異名春王三朝典冊並行咨爾

上公相儀以登 皇帝從太上皇后冊寶詣宮中用正安 維冊伊何

鏤玉垂鴻維寶伊何範金鈕龍翊以誓御間以笙鏞誰敢不恭天子寔從

太上皇后出閣升御坐坤安降同 帝膺永福功靡專

有既尊聖父亦燕壽母怡怡在宮大典時受彤管紀
之天長地久

內侍官舉太上皇后冊詣讀冊位用聖安 歛福于
郊逢時之泰揭名日月伴德覆載自我作古域中有
大末言保之眉壽無害

淳熙二年發太上皇帝太上皇后冊寶十一首

冊寶降殿正安 高明者乾博厚者坤以清以寧資
始資生壽胡可度德胡可評願言從欲誕受強名
中書令侍中奉冊寶詣殿下正安 受命既長福祿
既康如日之升如月之常追琢其章金玉其相君子

萬年保其家邦

皇帝奉太上皇帝冊寶授太傅禮安 奉太上
皇后同 翠華

之旗靈鼉之鼓陳于廣宇相我盛舉來汝公傅肅乃
儀矩毋愆于素以篤多祐

冊寶出門正安 珣璆青龍婉孌象輿其載伊何煌

煌金書乃由端門乃行康衢于以榮親振古所無

冊寶入德壽宮門正安 惟天為大其德曰誠惟堯
則之其性曰仁迺文迺武得壽得名於萬斯年以莫

不增

太上皇帝升御坐乾安降 天行惟健天步惟安聖

子中立臣工四環民無能名威不遠顏宋德宜頌漢儀可刪

太傅奉太上皇帝冊升殿聖安

奉寶同

天畀遐福允

彰父慈維昔曠典我能舉之徐爾陟降敬爾威儀申錫無疆永言保之

太傅奉太上皇后冊寶升殿聖安

乾健坤從陽剛

陰相迨茲受祉允也並况虞業在下儀物在上咨時三公執事無曠

皇帝從太上皇后冊寶詣宮中用正安

不顯文王

之德之絕亦有太妣式揚徽音維冊維寶迺玉迺金

伊誰從之一人事親

太上皇后出閣升御坐坤安

降同

重翟出房禕衣被

躬委委佗佗河潤山容聖皇臨軒聖母在宮並受鴻名與天無窮

內侍官舉太上皇后冊詣讀冊位用聖安

舉寶同

珉

玉玠幽裏蹄精良既刻厥文亦鑄之章象德維何至靜而方輔我光堯萬壽無疆

淳熙十二年加上太上皇帝太上皇后尊號十一首

大慶殿發冊寶降殿正安

維天盖高維地克承父

尊母親天地難名疆名廣大建號安榮衍登壽嘏闡

釋皇明

中書令侍中奉太上皇帝冊寶太上皇后冊寶詣殿
下用正安 二儀同尊兩耀齊光巍巍煌煌不顯亦

彰實茂號榮玉振金相於萬斯年既壽且昌

皇帝奉太上皇帝冊寶授太傅太上皇后冊寶同 我尊我

親承天之祉壽名兼美家國咸喜公侑不禮寶冊有

煒惟千萬祀令聞不已

冊寶出門正安 羽衛有嚴寶書有輝昭衍尊名鋪

張上儀出其端闡由于康逵比屋延言歌之舞之

德壽宮冊寶入殿門正安 南山之輦皇壽無窮太

極之尊皇名是崇奉茲寶冊於皇之宮皇則受之於

昭盛容

太上皇帝出宮升御坐乾安降坐同 聖明太上天子

有尊玉坐高拱慈顏粹温震禁嘉承朝弁昡分盛禮

綈典邃古未聞

太傅中書令侍中奉太上皇帝冊寶升殿用聖安

天錫伊嘏地效其珍誕作寶典奉於尊親爾公爾相

爾恭爾寅協舉令儀適臻厥成

太傅中書令侍中奉太上皇后冊寶升殿用聖安

坤載有元乾行是順施生萬彙厥德彌盛翼翼母道

贊我皇訓相維辟公奉典斯敬

皇帝從太上皇后冊寶詣宮中用正安 大矣慈母

德備且純思古齊敬佐我皇文明章茂典金玉其音

帝親奉之以翼以欽

太上皇后出閣升御坐用坤安 降坐同 天相慈皇慶

臻壺闡徽柔內修壽與天齊既承皇歡再覲母儀懿

典鴻名永綏多祺

內侍舉太上皇后冊寶詣讀冊寶位用聖安 有美

英瑤於昭祥金為策為章並著徽音德聖而尊備舉

彌文億載萬年永輔堯勛 志卷第九十一

宋史志卷第九十一 宋史 百三十九

開府儀同三司上柱國錄軍國軍事前書丞相參 經筵 都總裁 臣脫脫等奉

勅

樂十四 樂章八

恭上皇帝皇太后尊 冊立皇后

冊皇太子 皇太子 冊立皇后 鄉飲酒

紹興元年恭上壽聖皇太后王尊壽聖皇帝壽成皇

后尊號冊寶十四首

大慶殿發冊寶降殿正安 帝受內禪紀元紹熙欽

崇慈親孝心肅祇廼建顯號廼藏丕儀發冊廣庭聲

歌侑之

中書令侍中奉三宮冊寶詣東階下用禮安 鐘鼓
二作文物咸備彤庭玉階天子是蒞咨爾輔臣展采
錯事輔臣稽首敢不率禮

冊寶出門正安 巍巍天宮洞開闔闔旗常歲蕤劔
佩雜沓寶冊啓行法駕繼發鑠哉盛典快覩胥悅
冊寶入重華宮正安 仰止皇居九門載闢麗日重
光非煙五色雷動萬乘雲從百辟咫尺重霄鞠躬屏
息

至尊壽聖皇帝升坐乾安

降同

玉璽瑤編禮容畢具

穆穆至尊華殿是御德配有虞紹唐授禹於萬斯年
受天之祐

太傅中書令奉至尊壽聖皇帝冊升殿用聖安 慈
皇天臨睟表怡怡欽哉聖子親奉玉卮鼇抃嵩呼歡
浹華夷邇臣捧冊是恪是祗

太傅侍中奉至尊壽聖皇帝寶升殿用聖安 瑟彼
華玉篆魚鈕龍與冊並登咨爾上公詠以歌詩協之
鼓鐘是陟是降靡有弗恭

太傅中書令侍中奉壽聖皇太后冊寶升殿用聖安
天祐皇家慶集重闈寶兮揚名冊兮流徽金支秀華

盛容稜威詔我近弼相禮不違

太傅中書令侍中奉壽成皇后冊寶并殿用聖安

天哉乾元既極形容坤元德至寶與比隆寶冊並登

勅崇垂鴻相我縟儀肅肅雍雍

皇帝從聖壽皇太后冊寶詣慈福宮用正安 涓辰

協吉時維春元上冊三殿曠古無前思齊重闈積慶

有源是尊是崇帝心載虔

壽聖皇太后出閣升坐坤安降 丕赫有宋三聖授

受誰其助之繫我太母東朝受冊飲此春酒聖子神

孫密侍左右

內侍官舉壽聖皇太后冊寶詣讀冊寶位用聖安

坤德益崇天壽平格慶流萬世子孫千億刻玉範金

鋪張赫奕惟音姜任則莫我匹

皇帝詣壽成殿壽成皇后出閣升坐坤安降 鞠育

保護毋道備矣密贊親傳德其至矣綵服來朝慈容

有喜既受鴻名又多受祉

內侍官舉壽成皇后冊寶詣讀冊寶位用聖安 仰

瞻慈闈登進寶冊惟時誓御祗率厥職曰壽曰名毋

今兼得儷我尊父億載無極

紹熙四年加上壽聖皇太后尊號八首

大慶殿發冊寶降殿王安 德厚重闡冲澹粹穆何以名之惟慈惟福寶鏤精鏤冊鐫華玉物盛禮崇丕昭羣目

中書令侍中奉壽聖皇太后冊寶詣東階下禮安於皇帝室休運貽孫重熙慶慶祇進號榮爰授茲冊必躬必親天子聖孝萬邦儀刑

冊寶出門正安 煌煌冊寶天子受之言徐其行肅展迺儀其儀維何劔佩黃麾鸞駕清蹕聳瞻九達

冊寶入慈福宮殿門正安 熙辰禮備濟濟雍雍言奉斯冊重親之宮宮帷旣敞協氣感通皇儀親展壽

祉無窮

太傅中書令侍中奉壽聖皇太后冊寶升殿聖安

旣肅現庭載升金祀迺導迺陪威儀濟濟天步繼臨孝誠備矣聲容孔昭中外悅喜

冊寶諸宮中正安 珣輿彩仗祇詣慈宮寶冊前奉

龍挾雲從言備茲禮于宮之中惟天子孝於昭祫容壽聖皇太后出閣升御坐坤安降懿典大冊陳儀

還深怡怡愉愉寶坐是臨重綵儼侍架 肅心三宮

協慶永播徽音

內侍官舉壽聖皇太后冊寶詣讀冊寶位用聖安

寶冊旣奉祗誦迺言仁深慶衍益顯益尊和聲協氣
充溢乾坤並受伊嘏聖子神孫

慶元二年恭上太皇太后皇太后太上皇帝太上皇
后尊號二十四首

冊寶降殿 天擁帝家澤流子孫三宮燕胥四海崇
尊聲諧韶護輝燭瑤琨維皇緝熙耀德乾坤

冊寶授太傅奉詣東階下 祖后重壽親闈並崇駢

慶聯休申景鋪鴻疊璧交輝多儀煥叢億萬斯年福
祿攸同

冊寶出門 太任媚姜塗山翼禹慈祥曼衍鴻儀迭

舉寶章奕奕授宮僕僕帝用將之于彼官所

慈福宮寶冊入門 東朝層邃端闈靖深列仗節鑾

鏤玉繩金來奉來崇載祗載欽曾孫之慶世世徽音

冊寶升殿 純祐我宋母儀四朝擁翼孫謀如虞承

堯仁覃函夏喜浮慶霄福祿萬年金玉孔昭

冊寶詣宮中 神人和懌天日淑清王母來燕必壽

而名現庭璈音五雲佩聲勉勉我皇適昭厥成

太皇太后出閣升坐 曾孫致養五福駢臻太極所

運兩儀三辰輝光日新啓佑後人永翼瑤圖億萬堯

春

冊寶詣讀詣冊寶位 徽光宣華仁聲流文曠儀合杏
泰和綢緼慈顏有喜祚我聖君珠宮含飴坐閱來雲
太皇太后降坐歸閣 綽儀既登寶冊既膺喜洽祥
流雲烝川增天子萬年鳴玉慈庭惠我無疆詵詵繩
繩

壽慈宮冊寶入門

新庭靖安祖后燕怡有開聖謀

累崇天基典章文明聲容歲誕御于邦家曰壽曰慈
冊寶升殿 三禮崇容八變警衛有來辰儀闡徽媽
汭璇宮肅雍藻景澄霽文子文孫本支百世

冊寶詣宮門

堯門疊瑞似幄齊輝重坤靖夷麗冊

華徽天子仁聖禮文弗違福壽康寧同燕層闈

皇太后出閣升坐

文母曼壽載錫之光總集瑞命

宜君宜王惠以仁顯慈以德彰保佑子孫受福無疆
冊寶詣讀冊寶位 華鸞編玉文螭掖金頌德摘英

揚徽嗣音紫幄天開翠華日臨歲歲年年如周太任

皇太后降坐歸閣

宋有明德天保佑之以壽繼壽

以慈廣慈聲文宜昭福祉茂綏神孫之休燕及華夷

壽康宮冊寶入門正安

大安耽耽興慶崇崇維皇

之尊與天比隆非心間燕文命延鴻欲報之恩禮緝

儀豐

太上黃帝升御坐乾安 上帝有赫百露效祥儲祉
垂恩錫年降康皇儀晬溫帝躬肅莊三宮齊懽地久
天長

太上皇帝冊寶升殿聖安 夏典稽瑞禹玉含淳追
琢有章溫潤孔純聖底于安壽綿於仁太上立德自
天其中

太上皇后冊寶升殿聖安 父尊母親天涵地育燕
我翼子景命有僕得名得壽如金如玉子孫千億成
其厚福

太上皇帝降御坐乾安 天地清寧日月華光歸尊

慈極嵩呼未央慶函百嘉壽躋八荒上皇萬歲俾熾
俾昌

冊寶詣宮中正安 晨趨慈幄佳氣鬱慈受帝之祉
配天其崇璧華金精禮敷樂充天子是若懽聲融融
太上皇后出閣升坐坤安 文物流彩鑿輅靖陳龜
瑞薦祉坤儀效珍比皇之壽翼帝以仁和氣致祥與
物爲春

讀冊寶聖安 黼黻其文金玉其相永壽於萬合德
無疆福緒祥源厥後克昌天維格斯祚我聖皇
太上皇后降坐歸閣坤安 榮懷之慶莫盛於斯三

宮四冊五葉一時德阜而豐福大而滋子子孫孫于時保之

嘉泰二年恭上太皇太后尊號八首

冊寶降殿 思齊太任嬪于周京至哉坤元萬物資

生不可儀測矧可強名鏤玉繩金昭哉號榮

冊寶詣東階 鼓鐘嗶嗶儀物載陳儀物陳矣爛其

瑤琨咨爾上公相予文孫勿亟勿徐奉我重親

冊寶出門 蕩蕩天門金鋪玉戶采旄翠旌流蘇葆

羽千官影從迺導迺輔都人縱觀填道乎舞

壽慈宮而寶入門 煌煌寶書玉篆金鏤曷爲來哉

自天子所自天子所以燕文母婉嬪祥雲

冊寶升殿 文物備矣王事其承崇牙高張

庭耽耽廣殿左城右平敬爾威儀攝齊以登

冊寶詣宮中 維壽伊何聖德日新維慈伊何

後人迺范斯金迺鏤斯珉皇舉玉趾從於堯門

太皇太后升御坐降同侍中版奏辨外嚴中出

房禕褕被躬我龍受之侵威盛容皇帝聖孝其

融

冊寶詣讀冊寶位 麟趾寔蹄我寶斯刻碾

載備斯冊眉壽萬年詒謀燕翼於赫湯孫克綿

紹定三年壽明仁福慈睿皇太后冊寶九首

文德殿冊寶降殿 思齊聖母媿於周任體乾

博厚洪深七表既啓萬壽自今昕庭發號式昭

冊寶詣東階 煌煌儀物繹繹鼓鐘奉茲寶冊

階東上公相儀列辟盡恭拜手慈宸福如華嵩

冊寶出門 帝闕肅開天階坦履霓旌羽蓋導

衛匪誇雕琢匪矜繁麗茲謂盛儀億載千歲

慈明殿冊寶入門 金堅正純文郁禮繹來

作瑞王國天開地闢日熙春燠茲謂盛事永

冊寶升殿 皇儀有煒采昇次十九

廷坤德深隆皇圖永寧咨爾廷臣攝齊以登

冊寶詣宮中 壽爲福先明燭物表仁沾動植福齊

穹昊曰慈與睿並崇丕號演而申之萬世永保

皇太后升御坐 邇臣跪奏嚴辦必恭乃御禕禴升

于殿中慈顏雍睦和氣冲融芳流青史傳之無窮

冊寶詣讀冊寶位 徽音孔昭寶傳斯刻金昭玉粹

有燁斯冊載祈載祝以燕以翼寶之萬年與宋無極

皇太后降御坐 皇文既舉慶禮告虔肇自宮闈格

于幅員子稱母壽母謂子賢陟降在茲隆名際天

哲宗發皇后冊寶三首

皇帝升坐乾安 既登乃依如日之升有嚴有翼不
顯丕承天作之合家邦其興朱芾斯皇子孫繩繩
降坐乾安 我禮嘉成我駕言旋降坐而蹕奏鼓淵
淵景命有僕保佑自天永錫祚嗣何千萬年

太尉等奉冊寶出入正安 宣哲維公就位肅莊冊
寶具舉丕顯其光出入宸闈鼓鍾煌煌母儀天下萬
壽無疆

紹興十三年發皇后冊寶十三首

皇帝升坐乾安 天地奠位乾坤以分夫婦有別父
子相親聖王之治禮重婚姻端冕從事是正大倫

使副入門正安 天子當陽群工就列冊寶既陳鐘

鼓備設上公奉事容莊心協克相盛禮光昭玉牒

冊寶出門正安 穆穆粹容如天之臨赫赫明命如

玉之音虔恭出門禮容兢兢塗山生啓夏道以興

皇帝降坐乾安 朝陽已升薰風習至樂奏既成禮

容亦備玉佩鏘鳴帝徐舉趾壺政穆宣以聽內治

皇后出閣乾安 猗歟賢后德本性成承天致順遡

日爲明作配儷極王化以行萬有千歲奉祀宗祊

冊寶入門正安 欵承祗事時惟肅雍跪奉冊寶陳

于法宮以俯以仰有儀有容明神介之福祿來崇

皇后降殿承安 温惠之德禕翟之衣行中采薺禮
無或違降于丹陛有容有儀委委蛇蛇誰其似之
皇后受冊寶成安 鏤蒼玉兮盛德載揚鑄南金兮
作鎮椒房虔受賜兮有燁有光宜室家兮朱芾斯皇
皇后升坐和安 禮既行兮厥位孔安母儀正兮容
止可觀奉東朝兮常得其歡求淑女兮豈樂多般
內命婦入門惠安 素月澄輝衆星顯列炳爲天文
各有攸別椒房既正陰教斯設關雎麟趾應如響捷
外命婦入門成安 窈窕其容淑嫿其姿爛其如雲
瞻我母儀曰天之妹作合惟宜粲然舞抃疇不肅祇

皇后降坐徽安 寶字煌煌冊書粲粲副并加飾禕
褕有爛祗若帝休委蛇樂衍億萬斯年永膺宸翰
皇帝歸閣泰安 太任徽音太姒是嗣則百斯男周
室以熾天子萬年受茲女士如妣事任從以孫子
淳熙三年發皇后冊寶十三首

皇帝升坐乾安 赫赫惟皇如日之光肅肅惟后如
月之常禮行一時明照無疆天子莅止疇敢不莊
冊寶入門正安 卜月惟良練辰斯臧臣工在庭劔
佩瑒瑒來汝疑丞明命是將有淑其儀無或怠違
冊寶出門正安 刻簡以珉鑄寶以金持節伊誰時

惟四鄰自我文德達之穆清委蛇委蛇往迄于成
皇帝降坐乾安 冊行何彛于門東偏禮備樂成合
扇鳴鞭皇舉玉趾如天之旋燕及家邦億萬斯年
皇后出閣坤安 椒塗蘭馭河潤山容副笄在首禕
衣被躬靜女其姝實翼翼從自彼西閣聿來殿中
冊寶入門宜安 德隆位尊禮厚文縟乃篆斯金乃
鏤斯玉羣公盈門執事有肅願言保之永鎮坤軸
皇后降殿承安 規殿沉沉叶氣收收明章婦順表
正人倫躡是左城暨于中庭尚宮顯相罔有弗欽
皇后受冊寶成安 備物典冊樂之鼓鐘拜而受之

極其肅雍司言司寶各以職從行地有慶與天無窮
皇后升坐和安 容典既膺壺儀既正羽衛外列揚
顏中映如常如天以莊以靚六宮承式二南流詠
內命婦入門惠安 葛覃節用樛木逮下形爲嬪則
夙已心化茲臨長秋遂正諸夏以慶以祈百祥來迓
外命婦入明咸安 碩人其頤公侯之妻翟茀以朝
象服是宜如星之芒遡月之輝毋儀既瞻羣心則夷
皇后降坐徽安 窈窕淑女備六服兮陟降多儀聳
羣目兮內治允備陰教肅兮宜君宜王綏有福兮
皇后歸閣泰安 天監有周是生太任亦有太姒嗣

其徽音孰如兩宮慈愛相承思齊之盛復見于今
淳熙十六年皇后冊寶十三首

皇帝升坐乾安 乾位既正坤斯順承日麗于天月
斯遡明惟帝受命惟帝並登黼屨尊臨典冊是行
冊寶入門正安 迺協良辰維春之宜迺詔近弼來
汝相儀九門洞開文物萃輝聲詩載歌于以侑之
冊寶出門正安 有璽範金有冊鏤瓊汝使汝介持
節以行禮始文德達于穆清是恪是虔依我和聲
皇帝降坐乾安 鼓鐘皗皗磬筦鏘鏘劍佩充庭濟
濟洋洋禮典告備皇心樂康於萬斯年受福無疆

穆清殿受冊寶皇后出閣坤安 懿範柔容如月斯
輝駕厥翟輅被以褱衣九御從之如雲祁祁典冊是
承心焉肅祗

冊寶入門宜安 華棖壁璫有馨椒殿備物來陳多
儀式煥曰冊曰寶是刻是琢並舉以行皇矣懿典
皇后降殿承安 褱褕盛服有恪其容是陟是降相
以尚宮金殿玉階聿采于中展詩應律載詠肅雍
皇后受冊寶成安 帝有顯命稟于親慈后德克承
拜而受之人倫既正王化是基億載萬年永祚坤儀
皇后升坐和安 帝慶三宮膺受寶冊御于中闈載

欣載惕迺孚陰教迺明內則翼翼魚貫罔不承式
內命婦入門惠安 掖庭頒官于位有四噫彼小心
撫以德惠熙焉如春育焉如地慶禮事成靡弗咸喜
外命婦入門咸安 魚軒鼎來象服是宜班于內庭
率禮惟祗化以婦道時惟母儀是慶是類于胥樂兮
皇后降坐徽安 正位長秋容典備矣王假有家人
倫至矣儷極倪天多受祉矣螿螿螽斯宜孫子矣
皇后歸閣泰安 維天佑宋盛事相仍崇號三宮甫
茲浹辰肇正中闈緝禮載陳邦家之慶曠古無倫
皇帝升坐乾安 乾健坤順羣生首資日常月升四

時叶熙帝嗣天歷后崇母儀黼黻承暉王化是基
使副入門正安 標闕螭螭壁門雲龍烈文維輔翊
奉有容典章輝明彛度肅雍歲時緝儀登于璿宮
冊寶出門正安 金晶麗輝璧葉含春贊夏之翼繹
虞之嬪樂序韶亮禮文藻新辟公相成物采彬彬
皇帝降坐乾安 帛旒雲舒金秀充庭璇衛鑾華禧
佩垂絰皇容熙備柔儀順承三宮齊懽萬福昭膺
皇后出閣坤安 驂翟崇容褱鞠陳衣戾止蘭殿風
興椒闈淑正宣華粹明騰輝欽若有承嗣音之徽
冊寶入門宜安 禕奕流光沙祥增衍編玉鏤德螭

金溢篆粹猷藻黻徽文華顯二南聲詩于時昭闡
皇后降殿承安 翬珩煥采趨節風韶陟降城陞奉
將英瑤辟道承薰嬪儀揚翹是敬是祇德音孔昭
皇后受冊寶成安 帝奉太室后儀成之帝養三宮
后志承之德如關雎盛如螽斯且君且王百世本支
皇后升坐和安 肅肅壺彝雍雍陰教險詖自防警
戒是做中闈端委列御胥告其思輔順永翼帝孝
內命婦入門惠安 天子九嬪王宮六寢有燁令儀
載秩華品福履綏將節用躬儉矢其德音于以來
諭 象服之文鵠巢之風化以婦道

覲于內宮采蘋澗濱采藻澗中夙夜在公贊彼累功
皇后降坐和安 光佑晏寧惠慈燕喜壽仁並崇家
邦均祉懿文交舉壺冊嗣美維億萬年愛敬惟似
皇后歸閣泰安 天心仁佑坤德世昭灼有慈範著
于累朝儉以贊虞勤以承堯是用則倣共勵夙宵
嘉泰三年皇后冊寶十三首

皇帝升坐坤安 茂建坤極容典聿新天命所贊慈
訓是遵肅涓穀旦躬御紫宸鴻禧累福駢賚翕臻
使副入門正安 端門曉闕瑞氣雲凝有儼良輔踵
武造廷肅肅王命是將是承登冊穆清萬歲永膺

冊寶出門正安 瑤冊玉寶爛然瑞輝旁翼絳節土
承紫微瓊鳴朝佩徐出獸扉登進坤極益彰典徽
皇帝降坐乾安 天臨黼辰雲集弁纓金石遞奏典
禮備成玉趾緩步龍駕翼行言旋北極永燕西清
皇后出閣乾安 日薰椒屋雲靄璧門有華瑞節來
自帝闈統天惟乾合德者坤我龍受之福祿永繁
冊寶入門宜安 虹輝燦爛雲綢繆絳節前導瑞
光土浮瑤階玉扉旣集長秋欽承天寵永荷帝休
皇后降殿承安 瑤殿清閔玉城坦夷禕衣副珈陟
降不遲寶冊聿至載肅載祇禮儀備福履永綏

皇太后受冊寶成安 日月臨燭乾坤履持明並二曜
德合兩儀半媿宸極共恢化基膺受茂典億載永宜
皇后升坐和安 寶璽瑤冊旣祇旣承繡榻藻席載
躋載升柔儀肅穆瑞命端凝永膺多福如川方增
內命婦入門惠安 彤煥盛儀班分華綴九嬪婦職
六寢內治參差苜蓿求勤寤寐烝然來思相禮贊祭
外命婦入門咸安 婦榮於室通籍禁中班列有次
車服有容佐我闈睢鵲巢之風被之僮僮曷不肅雍
皇后降坐徽安 金石具舉典禮茂明淑慎其止適
觀嚴成瓊琚微動鳳輦異行儀光媿極德邁嬪京

皇太后歸閣泰安 寶坐既興鳳輿戒行奏解嚴辦歸
燕遂清問安壽慈奉盞宗祊彌千萬年內助聖明

嘉定十五年皇帝受膺天命之寶三首

恭膺天命之曲太簇宮 我祖受命恭膺于天爰作

玉寶載祇載虔申錫無疆神聖有傳昭茲興運於萬

斯年

舊疆來歸之曲大簇宮 於穆我皇之德之純涵濡

群生矧我遺民連齊跨晉輸貢效珍土宇日闢一視

同仁

永清四海之曲大簇宮 我祖我宗德厚澤深於皇

繼序益覃厥心天人協扶一統有臨

斯今

至道元年冊皇太子二首

太子出入正安 主鬯之重尤屬賢明承華肇啓上

嗣騰英禮修樂舉育德開榮一人元良萬邦以寧

羣臣稱賀正安 皇儲既建聖祚無疆鸞旌列敘雞

戟分行前星有爛日重光際天接聖溫文允臧

天禧三年冊皇太子一首

太子出入明安 明離之象少陽之位固邦爲大

天作貳儀範堯溫禮章斯 宜令猷恭守

乾道元年冊皇太子四首

皇帝升坐乾安 宋受天命垂緒無疆惟懷永圖乃
登元良消選休辰冊書是 坐天臨穆穆皇皇

太子入門明安 於維皇 玉潤金聲體震之海重

離之明冊寶具舉環佩鏘鳴守器承祧惟邦之榮

太子出門明安 樂備既奏和聲冲融玉簡金書翔

鸞戲鴻下拜登受旋於青宮儀辰作貳垂休無窮

皇帝降坐乾安 我禮備成我言旋降坐而踞

鼓淵淵國本既定保佑自天克昌厥后何千萬年

乾道七年冊皇太子四首

皇帝升坐乾安 建儲以賢闢宮於東典策既備筮

占既從濟濟卿士鏘鏘鼓鐘天子戾止盛哉禮容

太子入門明安 珣珉瑳瑳篆金煌煌對揚于庭是

承是將星重其輝日重其光觀瞻以懼國有元良

太子出門明安 淵中象德玉裕凝姿進退周旋有

肅其儀既定國本益隆慶基燕及兩宮福祿如茨

皇帝降坐乾安 儲副豫定器之公兮冊授孔時禮

之隆兮天步遲遲旋九重兮毒社萬年德無窮兮

嘉定二年冊皇太子四首

皇帝升坐 於皇我宋受命於天升儲主鬯衍慶卜

年典冊告備庭工載虔萬乘泣止端冕邃延

太子入門受冊寶 太極端御少陽肅祇珉簡斯鏤

袞服孔宜式奏備樂廼陳盛儀下拜登受永言保之

太子受冊寶出門 明兩承曜作貳宣猷茂德金昭

令譽川流豫定厥本永詒乃謀三朝致養間寢龍樓

皇帝降坐 震存體象我儲明兮渙揚顯冊我禮成

兮大駕言旋警蹕鳴兮燕祉無疆邦之榮兮

寶祐二年皇子冠二十首

皇帝將出文德殿隆安 於皇帝德乃聖乃神本支

百世立愛惟親敬共冠事以明人倫承天右序休命

用申

賓贊入門祇安 豐芑詒謀建爾元子揆禮儀年筮

賓敬事八音克諧嘉賓至止于以冠之成其福履

賓贊出門祇安 禮國之本冠禮之始賓升自西維

賓之位于著于乍維子之義厥惟欽哉敬以從事

皇帝降坐隆安 路寢闢門黼坐恭已群公在庭所

重維禮正心齊家以燕翼子於萬斯年王心載喜

皇子初行 有來振振月重輪兮瑜玉在佩綦組明

兮左徵右羽德結旌兮步中采薺矩護循兮

賓贊入門 我有嘉賓直大以方亦既至止厥德用

光冠而字之厥義孔彰表裏純備黃耇無疆

皇子詣受制位 吉圭休成其日南至天子有詔冠

爾皇嗣為國之本隆邦之禮拜而受之式共敬止

皇子升東階 茲惟阼階厥義有在歷階而升敬謹

將冠經訓昭昭邦儀祭祭正纚賓筮壽考未艾

皇子升筮 秩秩賓筮籩豆孔嘉帝子至止衿纓振

華周旋陟降禮行三加成人有德匪驕匪奢

初加 帝子惟賢懋昭厥德跪冠于房玄冠有特鼓

鐘喤喤威儀抑抑百禮既洽祚我王國

初醮 有賓在筮有尊在戶磬管將將醮禮時舉跪

觴祝辭以永燕譽寶祚萬年磐石鞏固

再冠 復及肇祥震維標德乃其皮弁其儀不忒體

正色齊維民之則璇霄眷佑國壽箕翼

再醮 冠醮之義匪酬匪酌于戶之西敷共以恪金

石相宣寇醮相錯帝祉之受施及家國

三加 善頌善禱三加彌尊爵弁峩峩介珪温温陽

德方長成德允存燕及君親厥祉孔蕃

三醮 席于賓階禮義以興受爵執爵多福以膺匪

惟服加德加愈弁匪惟德加壽加愈增

皇子降 命服煌煌跬步中度慶輯皇闡化行海宇

禮具樂成惕若戒懼寶璐厥躬有秩斯祐

朝謁皇帝將出 皇王烝哉令聞不已燕翼有謀冠

醮有禮百僚在庭適相廟事頌聲所同嘉受帝祉

皇子再拜 青社分封前星啓燄繁弱綏章厥光莫

揜容稱其德蓄學之驗芳譽敷華大圭無玷

皇子退 玄裘黼裳垂徽永世勉勉成德是在元子

胙土南賓厥旨孔懿克一忠字作百無愧

皇帝降坐 愛始於親聖盡倫子元子冠字邦禮成

兮天步舒徐皇心寧兮家人之吉億萬春兮

淳化鄉飲酒三十三章

鹿鳴呦呦命侶與儔宴樂嘉賓既獻且醕獻醕有序

休祉無疆展矣君子邦家之光

鹿鳴呦呦在彼中林宴樂嘉賓式昭德音德音愔愔

既樂且湛允矣君子實慰我心

鹿鳴呦呦在彼高岡宴樂嘉賓吹笙鼓簧幣帛戔戔

禮儀躋躋樂只君子利用賓王

鹿鳴相呼聚澤之蒲我樂嘉賓鼓瑟吹竽我命旨酒

以燕以娛何以贈之玄纁粲如

鹿鳴相邀聚場之苗我美嘉賓令名孔昭我命旨酒

以歌以謠何以置之大君之朝

鹿鳴相應聚山之荆我燕嘉賓鼓簧吹笙我命旨酒
以逢以迎何以薦之揚于王庭

右鹿鳴六章章八句

瞻彼南陔時物嘉良有泉清泚有蘭馨香晨飲是汲
夕膳是嘗慈顏未悅我心靡遑

嬉嬉南陔眷眷慈顏和氣怡色奉甘與鮮事親是宜
事君是思虔勗忠孝邦家之基

右南陔二章章八句

洋洋嘉魚佇以美眾君子有道嘉賓式燕以娛
洋洋嘉魚佇以芳畧君子有德嘉賓式歌且舞

我有宮沼龜龍擾之君子有禮嘉賓式貴表之
我有宮藪麟鳳來思君子有樂嘉賓式慰勤思
相彼嘉魚爰縱之壑我有旨酒嘉賓式燕以樂
相彼嘉魚在漢之梁我有旨酒嘉賓式燕以康
森森喬木美蔓榮之我有旨酒嘉賓式燕宜之
喈喈黃鳥載飛載止我有旨酒嘉賓式燕且喜

右嘉魚八章章四句

崇丘峩峩動植斯屬高既自遂大亦自足和風斯扇
膏雨斯沐我仁如天以亭以育

崇丘巍巍動植其依高大之性各極爾宜王道坦坦

皇猷熙熙仁壽之域烝民允躋

右崇丘二章章八句

關雎于飛洲渚之湄自家刑國樂且有儀 郁郁芳
蘭幽人擷之温温恭人哲后求之 求之無斁寤寐
所屬罄爾一心受天百禄 郁郁芳蘭雨露滋之温
温恭人圭組縻之 郁郁芳蘭佩服珍之温温恭人
福履綏之 關雎踟踟集水之央好求賢輔同揚德
光 蘋蘩芳滋同誰掇之願言賢德靡日不思 偶
其賢德輔成已職永配玉音服之無斁 潔其淦成
中心匪寧薦於宗廟助君德馨 賢淑來思人之表

儀風化天下何樂如之

右關雎十章章四句

彼鵲成巢爾類攸處之子有歸瓊瑤是祖 彼鵲成
巢爾類攸匹之子有行錦繡是飾 彼鵲成巢爾類
攸共之子有從蘭蓀是奉 伊鵲成巢珍禽戾止婉
彼佳人配于君子 伊鵲營巢珍禽攸處內助賢侯
弼于明主 伊鵲營巢珍禽輯睦均養嘉雛致于蕃
育

右鵲巢六章章四句

大觀聞喜宴六章

狀元以下入門正安 多士濟濟于彼西雍欽肅威
儀亦有斯容烝然來思自西自東天畀爾祿惟王其
崇

初舉酒賓興賢能 明明天子率由舊章思樂泮水
光于四方薄采其芹用賓于王我有好爵寘彼周行
再酌於樂辟雍 樂只君子式燕 思服其命服攝
以威儀鐘鼓既設一朝疇之德音是茂邦家之基

三酌樂育英才 聖謨洋洋綱紀四方烝我髦士觀
國之光遐不作人而邦其昌以燕天子萬壽無疆
四酌樂且有儀 我求懿德烝然來思籩豆靜嘉式

燕綏之温温其恭莫不令儀追琢其章髦士攸宜
五酌正安 思皇多士揚于王庭鐘鼓樂之肅雝和
鳴威儀抑抑旣安且寧天子萬壽永觀厥成

政和鹿鳴宴五首

初酌酒正安 思樂泮水承流辟雍思皇多士賁然
來從雝雝濟濟四方攸同登于天府維王是崇

再酌樂育人才 鐘鼓皇皇磬筦鏘鏘登降維時利

用賓王髦士攸宜邦家之光媚于天子事舉言揚

三酌賢賢好德 鳴鹿呦呦載弁佻佻烝然來思旨

酒思柔之子言邁泮渙爾游于彼西雍對揚王休

四酌丞我髦士 首善京師灼于四方丞我髦士金
玉其相飲酒樂曲吹笙鼓簧勉戒徒御觀國之光
五酌利用賓王 遐不作人天下喜樂何以況之鳶
飛魚躍既勸之駕獻酬交錯利用賓王縻以好爵

所傳自漢書禮書

如味用四

志卷第九十二

志卷第九十三

宋史一百四十

開府儀同三司桂國公李德裕前中書丞相德裕國公領選事却總裁臣脫脫等奉
勅修

樂十五 鼓吹七

鼓吹者軍樂也昔黃帝涿鹿有功命岐伯作凱歌以
建威武楊德風厲士諷敵其曲有雲夔競雕鸚爭石
墜崖壯士怒之名周官所謂師有功則凱歌者也漢
有朱鷺等十八曲短簫鏡歌序戰伐之事黃門鼓吹
為享宴所用又有騎吹二曲說者謂列於殿庭者為
鼓吹從行者為騎吹魏晉而下莫不沿尚始有鼓吹

之名江左太常有鼓吹之樂梁用十二曲陳二十四曲
後周亦十五曲唐制大駕法駕小駕及一品而下皆
有焉宋初因之車駕前後部用金鉦節鼓擗鼓大鼓
小鼓鐃鼓羽葆鼓中鳴大橫吹小橫吹威栗桃皮虜
栗簫笳笛歌導引一曲又皇太子及一品至三品皆
有本品鼓吹凡大駕用一千五百三十人為五引司
徒六十四人開封牧太常卿御史大夫兵部尚書各
二十三人法駕三分減一用七百八十一人為引開
封牧御史大夫各六十六人小駕用八百一十六人
太常鼓吹署樂工數少每大禮皆用之於諸軍一品

已下喪葬則給之亦取於諸軍又大禮車駕宿齊所
止夜設警場角一千二百七十五人奏嚴用金鉦大
角大鼓樂用大小橫吹簫栗簫笳笛角手取於近畿

諸州樂工亦取於軍中或追府縣樂工備數歌六州

十二時每更三奏之

大中祥符六年以其頻擾詔罷追集悉以禁兵充常隸太常閱

集七年親享太廟登歌始作聞廟外奏嚴遂詔行禮之次權罷嚴警禮畢仍復故

凡祀前一

日上御青城門觀奏嚴若車駕巡幸則夜奏於行宮

前人數減於大禮凡用八百八十人

真宗崇奉聖祖亦設儀衛別作

導引曲今附之

兩朝志云大駕千七百九十三人法駕千三

百五人小駕千三十四人

人數多於前

鑾駕九百三十五

人迎奉祖宗御容或神主祔廟用小鑾駕三百二十
五人上宗廟謚冊二百人其曲卽隨時更製自天聖
已來帝郊祀躬耕籍田皇太后恭謝宗廟悉用正宮
導引六州十二時凡四曲景祐二年郊祀減導引第
二曲增奉禋歌初李照等撰警嚴曲請以振容爲名
帝以其義無取故更曰奉禋其後祫享太廟亦用之
大享明堂用黃鍾宮增合宮歌凡山陵導引靈駕章
獻章懿皇后用正平調仁宗用黃鍾羽增昭陵歌神
主還宮用大石調增虞神歌凡迎奉祖宗御容赴宮
觀寺院并神主祔廟悉用正宮惟仁宗御容赴景靈

宮改用道調皆止一曲皇祐中大饗明堂帝謂輔臣
曰明堂直端門而致齋於內奏嚴於外恐失靖恭之
意詔禮官議之咸言警場本古之鼙鼓所謂夜戒守
鼓者也王者師行吉行皆用之今乘輿宿齋本緣祀
事則警場亦因以警衆非徒取觀聽之盛恐不可廢
若以奏嚴之音去明堂近則請列於宣德門百步之
外俟行禮時罷奏一嚴亦足以稱虔恭之意帝曰旣
不可廢則祀前一夕邇於接神宜罷之熙寧中親祠
南郊曲五奏正宮導引奉禋降仙臺祠明堂曲四奏
黃鍾宮導引合宮歌皆以六州十二時永厚陵導引

警塲及神王還宮皆四曲虞王祔廟奏安慈聖光獻
 皇后山陵亦如之諸后告遷升祔上仁宗英宗徽號
 迎太一宮神像亦以一曲導引率因事隨時定所屬
 宮調以律和之元豐中言者以鼓吹害雅樂欲調治
 之令與正聲相得楊傑言正樂者先王之德音所以
 感召和氣格降上神移變風俗而鼓吹者軍旅之樂
 耳蓋鼓角橫吹起於西域聖人存四夷之樂所以一
 天下也存軍旅之樂示不忘武備也鞞鞞氏掌夷樂
 與其聲歌祭祀則歛而歌之燕亦如之今大祀車駕
 所在則鼓吹與武嚴之樂陳於門而更奏之以備警

嚴大朝會則鼓吹列於宮架之外其器既異先代之
 器而施設槩與正樂不同國初以來奏大樂則鼓吹
 備而不作同名為樂而用實異雖其音聲間有符合
 而宮調稱謂不可淆混故大樂以十二律呂名之鼓

吹之樂則曰王宮之類而已乾德中設鼓吹十二案制壇床十二為熊羆騰

倚之狀每案設大鼓羽葆鼓金鐻各一歌簫茄各一又有叉手笛各曰拱宸管考驗皆與雅音相應列於宮縣之籍編之令式若以律呂變夷部宮調則名混同而樂相

紊亂矣遂不復行元符三年七月學士院奏太常寺
 鼓吹局應奉大行皇帝山陵鹵簿鼓吹儀仗并嚴更
 警塲歌詞樂章依例撰成靈駕發引至陵所仙呂調

導引等九首已令樂工協比聲律從之政和七年三月議禮局言古者饒歌鼓吹曲各異其名以紀功烈今所設鼓吹唯備警衛而已未有饒歌之曲非所以彰休德揚偉績也乞詔儒臣討論撰述因事命名審協聲律播之鼓吹俾工師習之凡王師大獻則令鼓吹具奏以聳群聽從之十二月詔六州改名崇明祀十二時改名稱吉禮導引改名熙事備成六引內者設而不作紹興十六年臣僚言國家大饗乘輿齊宿必設警場肅儀衛而嚴祀事樂工隸太常歌詞備三疊累朝以來皆用之比者郊廟行事率代以鉦鼓取

諸殿司夫軍旅祭祀事既畢宜樂聲清濁用以殊尚鉦鼓鳴角列於鹵簿中所以示觀德之盛宜詔有司更製兼籍鼓吹樂工以時閱習遇熙事出而用之有司請下軍器所造節鼓一奏嚴鼓一百二十鳴角亦如之金鉦二十有四太常前後部振作通用一千八百五十七人而鼓吹益盛孝宗隆興二年兵部言奉明詔大禮乘輿服御除玉輅平輦等外所用人數並從省約內鼓吹合用八百四十一人止用五百八十八人警場合用二百七十五人止用一百三十人享熙中大閱帝自祥曦殿戎服而出皇太子親王執政

以下並從諸將皆介冑乘馬導駕軍器分衛前後奏
隨軍鼓管大樂上尋易金甲乘馬升將臺殿帥舉黃
旗諸軍呼拜奏發嚴中軍鳴角馬步簇隊連三鼓至
四鼓舉白旗中軍鼓聲旗應乃變方陣別高一鼓馬
步軍出陣別高一鼓各歸部隊五鼓舉黃旗變員陣
又鼓舉赤旗變銳陣青旗變直陣收鼓訖一金止重
鼓鳴角簇隊放教此其凡也

開寶元年南郊三首

導引 氣和玉燭睿化著鴻明緹管一陽生郊禋盛
禮燔柴畢旋軫鳳凰城林羅儀衛振華纓載路溢歡

聲皇圖大業超前古垂象泰階平 歲時豐衍九土
樂升平觀寰海澄清道高堯舜禹衣治日月並文明
嘉禾甘露登歌薦雲物煥祥經兢兢惕惕持謙德未
許禪云亭

六州 嚴夜警銅蓮漏遲遲清禁肅森陛戟羽衛儼

皇闡角聲勵鉦鼓攸宜金管成雅奏逐吹逶迤薦蒼
壁郊祀神祇屬景運純禧京坻豐衍羣材樂育諸侯
述職盛德服蠻夷 殊祥萃九苞丹鳳來儀膏露降
和氣洽三秀煥靈芝鴻猷播史冊相輝張四維下世

丕基敷玄化蕩蕩無爲合堯舜文思混弃寰宇

牛歸馬銷金偃革蹈詠慶昌期

十二時 承寶運馴致隆平鴻慶被寰羸時清俗阜
治定功成遐邇詠由庚嚴郊祀文物聲明會天正星
拱奏嚴更布羽儀簪纓宸心虔潔明德播惟馨動蒼
冥神降享精誠 燔柴半萬乘移天仗肅鑿輅施衡
千官雲擁羣后葵傾玉帛旅明庭韶獲薦金庚諧聲
集休亨皇澤浹黎庶普率洽恩榮仰欽元后睿聖貫
三靈萬邦寧景貺 泗千齡
真宗封禪四首

導引民康俗阜萬國樂升平慶海晏河清唐堯虞

舜垂衣化詎比我皇明九天寶命垂丕貺雲物效祥

英星羅羽衛登喬嶽親告禪云亭汾陰云星羅羽衛臨汾曲親享咨資

生我皇垂拱惠化洽文明盛禮慶重行登封降禪

燔柴畢汾陰云告虔天仗入神京雲雷布澤徧寰瀛雖上皇儀畢

遐邇振歡聲巍巍聖壽南山固千載賀承平

六州 良夜永玉漏正遲遲丹禁肅周廬列羽衛繞

皇闈嚴鼓動畫角聲齊金管飄雅韻遠逐輕颺薦嘉

玉躬祀神祇祈動為黔黎升中盛禮增高益厚登封

檢玉時邁合周詩汾陰云方丘盛禮精嚴越古陳牲檢玉時邁展鴻儀 玄文

錫慶雲五色相隨甘露降醴泉涌汾陰云嘉禾合 三秀發靈

芝皇猷播史冊光耀受鴻禧萬年永固丕基吾君德
蕩蕩巍巍邁堯舜文思從今寰宇休牛歸馬耕田鑿
井鼓腹樂昌期

十二時 聖明代海縣澄清惠化洽寰瀛時康歲足
治定治成遐邇賀昇平嘉壇上昭事神靈薦明誠報

本禪云亭

汾陰云蠲潔答鴻寧

俎豆列犧牲宸心蠲潔明德薦

惟馨紀鴻名千載播天聲

燔柴畢

汾陰云親祀畢

雲罕回

仙仗慶鑾輅還京八神扈蹕四隩來庭嘉氣覆重城
殊常禮曠古難行遇文明仁恩蘇品彙沛澤被簪纓
祥符錫祚武庫永銷兵育群生景運保千齡

告廟導引 明明我后至德合高穹祗翼勵精衷上
真紫殿回飈馭示聖胄延鴻躬承寶訓表欽崇慶澤
布寰中告虔備物朝清廟荷景福來同

奉祀太清宮三首

導引 穹旻錫佑盛德日章明見地平天成垂衣恭

已干戈偃億載祐黎甿羽旄飾駕當春候款謁屆殊
庭精衷昭感膺多福夷夏保咸寧 聖君御宇祗翼

奉三靈已偃革休兵區中海外鴻禧浹恭館勵虔誠
九旂七萃著聲明後后狗輿情丕圖寶緒承繁祉率
土仰隆平

宋史志卷九十三
六州 千載運寶業正遐昌欽至道崇明祀盛禮邁
前王鑾輅動萬騎騰驤馳道紛綵仗瑞日煌煌奉秘
檢玉羽羣翔非霧滿康莊躬朝真館齊心繹思順風
邦奠酒藝蕭薌 精忠達飈輪降格昭彰回翔旆
駐瑀輦舊地訪睢陽享清廟孝德輝光屆靈場星羅
萬國珪璋陳牲幣金石鏘洋景福降穰穰垂衣法坐
恩覃羣品慶均海寓聖壽保無疆

十二時 乾坤泰帝壽遐昌寓縣樂平康真遊降格
誨昭彰宸蹕造仙鄉崇妙道精意齊莊欵靈場潔
豆薦芬芳備樂奏鏗鏘猶龍垂裕千古播休光極褒

揚明號治徽章 朝修展春豫諧民望覩文物煌煌
言旋羽衛肅設壇場報本達肅薌申嚴祀禮備烝嘗
荅穹蒼純禧霑品彙慶賚浹窮荒封人獻壽德化掩
陶唐保綿長錫祐永無疆

亳州廻詣玉清昭應宮一首
導引 祕文鏤玉金閣奉安時旌蓋儼仙儀珠旒俯
拜陳章奏精意達希夷卿雲郁郁曜晨曦玉羽拂華
枝靈心報貺垂繁祉實祚永隆熙

親享太廟一首

導引 躬朝太室列聖大功寘綵仗耀甘泉祕文升

輅空歌發一路覆祥禋珠旒薦獻極精虔列侍儼貂
蟬穰穰降福均寰宇垂拱萬斯年

南郊恭謝三首

導引 重熙累盛睿化暢真風尊祖奉高穹林芬綵
仗明初日瑞氣滿晴空玉鑿徐動出環宮虔鞏鑿宸
裏禮成均慶人神悅聖壽保無窮

六州 承天統聖王應昌辰寶籙降飈游至瑞命應
惟新崇大號仰奉高真獻歲當初吉天下皆春謁祕
宇藻衛星陳薊靄極紛綸瓊編焜燿仙衣綵繇垂旒
俯拜薦獻禮惟寅 芬芳備精衷上達穹旻尊道祖

享清廟助祭萬方臻升泰時緝典彌文侍羣臣漢庭
儒雅彬彬煙飛火舉畢嚴禋天地降氤氲高臨華闕
恩覃動植慶延宗社聖壽比靈椿

十二時 享嘉會萬寓歡康聖化邁陶唐元符錫命
天鑒昭彰徽號奉琳房陳縉禮獻歲惟良耀旂章翠
輦駐仙鄉睿意極齊莊仙衣渥彩玉冊共熒煌芬芳
飈馭降靈塲 回雲罕尊祖趨仙宇金石韻鏘洋聿
朝清廟躬奠瑤觴報本國之陽執邊豆列侍貂璫對
穹蒼洪恩霈夷夏天慶浹家邦垂衣紫極聖壽保遐
昌集祺祥地久與天長

天書導引七首

詣泰山 我皇續位覆燾合穹旻祕籙示靈文齊居

紫殿膺玄貺降寶命氤氳奉符讓德事嚴禋檢玉陟

天孫垂鴻紀號光前古邁八九為君汾陰云后祗坤

考前聞垂休紀續超靈臺偃武書軌慶同文奄六

合居尊圓穹錫命垂真籙清曉降金門升中報本禪

云云汾陰云方丘嚴祀事惟寅無為致治臻清淨見

反朴還厚

詣太清宮 寶圖熙盛登格聖功全端命集靈篇欽

修祀典成明察道祖降雲駟賴鄉真館宅真仙朝謁

帝心虔尊崇教父膺鴻福綿亘萬斯年

猶龍勝境真宇儼靈姿肅謁展皇儀寶符先路嘉祥

應雲物煥金枝紛紜紫節間黃麾藻衛極歲蕤高弓

報貺延休祉仁壽協昌期

詣玉清昭應宮 紫霄金闕重疊降元符億兆祚皇

圖雲章焜燿傳溫玉寶閣起清都奉迎綵仗溢天衢

觀者競歡呼明君欽翼承鴻陰億載御中區 寶符

錫祚慶壽命惟新俄降格颺輪巍巍帝德增虔奉懿

號薦穹旻精齊秘館奉嚴禋文物耀昌辰升煙太一

修郊報鴻祉介烝民

詣南郊 聖神續緒赫奕帝圖昌寶錄降穹蒼宸心
勵翼修郊報綵仗列康莊祥煙瑞靄雜天香莞磬發
聲長升壇禮畢膺繁祉睿筭保無疆

建安軍迎奉聖像導引四首

玉皇大帝 太霄玉帝總御冠靈真威德聳天人寶

文瑞命符皇運絲遠慶維新洞開霞館法虛晨八景

降飈輪含生普洽 鴻福聖壽比仙椿

聖祖天尊 至真降鑒颺馭下皇闈清漏正依依範

金肖像申嚴奉仙館壯翬飛萬靈拱衛瑞煙披岸柳

映黃麾九清祚聖鴻基永堯德更巍巍

太祖皇帝 元符錫命祗受慶誠明恭館法三清開

基盛烈垂無極金像儼天成奉迎霞布甘泉仗簫瑟

振和聲靈辰協吉鴻儀畢萬國保隆平

太宗皇帝 膺乾撫運垂慶洽重熙元聖嗣鴻基發

揮寶緒靈仙降感吉夢先期良金璀璨範真儀精意

答蕃釐闕宮神館崇嚴配萬祀播歲蕤

聖像赴玉清昭應宮導引四首

玉皇大帝 先天氣祖魄寶御中宸列位冠高真綠

符錫瑞昭元聖寶曆亘千春琳宮壯麗俯嚴闈璇碧

照龍津珍金鑄像靈儀睟集福庇烝民

聖祖天尊 僊宗靈祖御氣降中宸享有慶惟新國
土鎔範成金像儀炳動威神玉虛聖境絕纖塵歡抃
洽羣倫導迎雲駕歸琳館恭肅奉高真

太祖皇帝 石文應瑞真主御寰瀛慈儉撫羣生巍
巍威德超千古大業保盈成神臯福地開恭館靈贖
日昭明鑄金九牧天儀粹紺殿轟千楹

太宗皇帝 乘雲英聖千載仰皇靈垂法藹朝經禹
金鎔範肖儀刑日角煥珠庭琳宮翠殿鳳文屏迎奉
慶安寧孝思瞻謁薦惟馨設馨誠懇貫青冥

奉冊導引三首

玉清昭應宮 太霄垂佑縣寓洽祺祥紗檢煥雲章
宸心虔奉崇徽號茂典遇前王霞明藻衛列通莊寶
冊奉琳房都人震抃騰謠頌億載保歡康

景靈宮 明明道祖金闕冠仙真清禁降飈輪遙源
始悟垂鴻慶億兆聳群倫虔崇徽號盛儀陳寶冊奉
良辰邦家億載蒙繁祉聖壽保無垠

太廟 祖宗垂佑亨會協重熙德澤被烝黎虔崇尊
謚陳徽冊藻衛列歲豨宸心致孝極孜孜展禮詔台
司祥煙瑞霽浮清廟縣寓被純禧

治平四年英宗祔廟導引一首

嘉靖丙辰年

宋史志卷九十三

十三

壽原初掩歸蹕九虞終仙馭更無蹤思皇攀慕追來
孝作廟繼三宗旌旗居外擁千重延望想威容寶輿
迎引歸新殿奏享備欽崇

熙寧二年仁宗英宗御容赴西京會聖宮應天禪院
奉安導引一首

九清三境飈馭杳難追功烈並巍巍洛都不及西巡
到猶識眸容歸三條馳道隱金槌仙仗共逶迤珠宮
紺宇中巖奉億載固皇基

章惠皇太后神主赴西京導引一首

祥符盛際二鄰正休兵瑞應滿寰瀛東封西祀鳴鑾

輅從幸見升平仙遊一去上三清廟食享隆名寢園
松栢秋風起簫吹想平生

中太一宮奉安神像導引一首

九霄仙馭四紀樂西清游衍遍黃庭雲輶萬里歸真
室上應泰階平金輿玉像下瑤京綵仗擁霓旌天人
感會千年運福祚永昌明

四年英宗御容赴景靈宮奉安導引一首

鼎湖龍去仙仗隔蓬萊輦路已蒼苔漢家原廟臨清
渭還泣玉衣來鳳簫鸞扇共徘徊帳殿倚雲開春風
不向天袍動空繞翠輿回

十年南郊皇帝歸青城導引一首

降仙臺 清都未曉萬乘並駕煌煌擁天行祥風散
瑞靄華蓋聳旂常建耀層城四列兵衛燿火映金支
翠旌衆樂警作充宮庭繳繹成紺幄掀袞冕明妥帖
壇陞霄升振珩璜神格至誠雲車下冥冥儲祥降嘏
莫可名御端闕盼敷號榮澤翔施溥茂祉均被含生
元豐二年慈聖光獻皇后發引四首

儀仗內導引一首 駕斑龍忽催金母轉仙仗去瑤
宮絳闕深沉杳無蹤漸塵空絲網瓊林花似怨東風
垂清露啼紅猶想舊春中萬壽寶船空

警場內三曲 六州 九龍輿記春暮幸蓬壺瓊園

散繡仗趨年華與逝水俱瑤京遠信息斷無寶津池
面落花鋪愁晚容車來禁塗鳳簫鸞雙西指昭陵去
舊賞蟠桃熟又見漲海枯應共靈真母曳霞裾 宴
清都恨滿山隅春城翠栢藏烏扃戶劍照燈魚人間
一夢覺餘泉宮窈窕鎖夜龍銀江澄澹浴仙鳧煙冷
金壇玉殿虛綠苔新長雕輦曾行處夜夜東朝月似
舊照錦疏侍女盈盈淚珠

十二時 治平時暫垂簾佑聖子解危疑坐安天下
踰歲厭避萬機退處宸闈殿開慶養志入希夷扶皓

日浴咸池看神孫撫御千載重雍累熙四方欽仰洪
慈陰德遠仁功積歡養罄九域禮無違事難期乘霞
去乍覩升仙誥下九圍泣血漣如更鸞車動春晚霧
暗翠旂路指蒿伊薤歌鳳吹悠颺逐風悲珠殿悄網
塵垂空坐濕罔極吾皇孝思鏤玉寫音徽彤管煒青
編紀寧更羨周雅播聲詩

耐陵歌 真人地瑞應待聖時鞏原西滎河會澗洛
與瀍伊衆水滎回嵩高映抱幾疊屏幃秀嶺參差遙
山群鳳隨共瞻陵寢浮佳氣非煙朝暮飛龜筮告前
期奠收玉笋筵卷時衣鸞輅曉駕載龍旂路逶遲鈴

歌怨盡妻引華芝之霧薄風微真遊遠閉寶閣金扉恃
女悲啼玉堦春草滋露桃結子靈椿翠青車何日歸
銜恨望西畿使一房鑣夜臺曉無期

虞主回京四首

儀仗內導引一曲 龍輿春晚曉日轉三川鼓吹慘
寒煙清明過後落花天望池館依然東風百寶泛樓
船共薦壽當年如今又到苑西邊但覓斷香駢

警場內三曲 六州 慶深恩寶曆正乾坤前帝子

後聖孫援立兩儀軒西宮太母朝寢門望椒闈常溫
芳時媚景有三千宮女相將奉玉輦金根上林紅英

繁縹緲釣天奏梨園望絕瑤池影斷桃源悵難論開
禁闈春風丹旒翩翩飛翠蓋駕瑤輶容衛入西原管
簫動地清喧陵上栢煙昏殘霞弄影孤蟾浮天外行
人觸目是消魂問蒼天塵世光陰去如奔河洛潺湲
此恨長存

十二時 望嵩卬永昭陵畔王氣壓龍岡輦洛靈光
鬱鬱起嘉祥虛綵轡轉哀仗闕幽堂歎仙鄉路長景
霞飛松上珠襦宵掩細扇晨歸崑閩茫茫滿目東郊
好紅葩鬪芳韶景空駘蕩對春色倍淒涼最情傷從
輦嬪嬙指瑤津路淚兩泣千門翠珥瑤曾憶薦瓊觴

春又至人何往事難忘向斜陽斷腸聽鈞天嘹亮清
都風細朱欄花滿誰奏清商紫幄重簾外時飄寶香
環佩珊珊響問何日反瑤房

虞主歌 轉紫芝指東都帝畿愁霧裏簫聲宛轉輦
路透迤那堪見郊原芳菲日遲遲對列鳳翥龍旗輕
陰黯四垂樓臺綠瓦瓦琉璃仙仗歸壽原清夜寒月
掩榆檉翠幃瑀輪空反靈螭憩長岐嵩峯遠伊川渺
瀰此時還帝里旌幡上下葆羽歲莖天街迴垂楊依
依過端闈閭闔正闢金扉觚稜射暖暉虞神寶篆散
輕絲空涕洟望陵宮女嗟物是人非萬古千秋煙慘

風悲

虞主祔廟儀仗內導引一首

輕輿小輦曾宴玉欄秋慶賞殿宸遊傷心處獸香散
盡一夜入丹丘翠簾人靜月光浮但半捲銀鈎誰知
道桂華今夜却照鵲臺幽

五年景靈宮神御殿成奉迎導引一首

新宮翼翼鉅麗冠神京金虬蟠繡楹都人瞻望洪紛
處陸海湧蓬瀛仙輿縹緲下圓清彩仗擁天行煥黃
珠幄承靈德錫羨永升平

慈孝寺彰德殿遷章獻明肅皇后御容赴景靈宮行

慶殿奉安導引一首

九清雲杳颺馭邈難追功化盛當時保扶仁聖成嘉
靖彤管載音徽天都左界抗華榱仙仗下逶迤寶楹
黼帳承神貺萬壽永無期

八年神宗靈駕發引四首

導引 金殿晚注目望宮車忽聽受遺書白雲縹緲
帝鄉去抱弓空慕龍湖瑤津風物勝蓬壺春色至望
瑁輿花飛人寂寂淒涼一夢清都

六州 炎圖盛六葉正協重光膺寶瑞更法度智勇

軼超成湯昭回雲漢爛文章震揚威武懾多方生民

帖恭擁殊祥封人祝頌萬壽與天長豈知丹鼎就龍
下五雲旁飄然真馭游衍仙鄉泣彤裳伊洛洋洋嵩
峰少室相望藏弓劍游衣冠雋功盛德難忘泉臺寂
魚燭熒煌銀海深鳧鴈翱翔想像平居謾焚香望陵
人散翠栢忽成行獨餘嵩峰月夜夜照幽堂千秋陳
迹淒涼

十二時 珍符錫佑啟真人儲思在斯民勤勞日升
萬物皆入陶鈞收威柄更法令鼎從新東風吹百卉
上苑正青春流虹節近永冠玉帛交奏嚴宸萬壽祝
堯仁忽聽宮車晚出但號慕瞻雲路企龍鱗窮天英

冠古精神杳然上素人空望屬車巡虛仗星陳畫翼
環擁龍轡泉宮揜帝鄉遠邈難親反雕輪飛羽蓋還
渡天津霧迷朱服風搖細扇觸日悲辛列嬪嬙垂紅
淚浥行塵相將問何日下青旻

永裕陵歌 升龍德當位富春秋受天球膺駿命玉
帛走諸侯寶閣珠樓臨上苑百卉弄春柔隱約瀛洲
旦旦想宸遊那知羽駕忽難留八馬入丹丘哀仗出
神州笳聲疑咽旌旆去悠悠碧山頭真人地龜洛奧
鳳臺幽繞伊流嵩峰岡勢結蛟虬皇堂一閉威顏杳
寒霧帶天愁守陵嬪御想像奉龍輶牙盤赭案肅神

休何日覩雲裘紅淚滴衣襟那堪風點綴栢城秋
虞主回京四首

導引 上林寒早仙仗轉郊圻笳鼓入雲悲逶迤輦
路過西池樓閣鎖參差都人瞻望意如疑猶想翠華
歸玉京傳信杳無期空掩赭黃衣

六州 承聖緒垂意在升平驅貔虎策豪英號令肅
天兵四方無復羽書征德澤浸群生睿謀雄雋絀漢
高狹陋慕三皇二帝登閎緝樂綴文明將升岱嶽告
功成玉牒金繩騰寶飛聲事難評軒鼎就清都一夢
俄傾飛霞佩乘龍馭羽衛入高青祥光浮動五色迎

鸞鳳雜簫笙山功就同軌人至銘旌畫嬰行 背主
城楚笳凝咽漢儀雄盛攀慕傷情惟餘內傳知向蓬
瀛

十二時 太平時御華夷躬聽斷破危疑春秋鼎盛
絀聲樂遊嬉日昇繁機長駕遠馭垂意在軒羲恢六
典斥三垂有殊尤絕迹盛德旁魄周施方將綴緝聲
詩擴皇綱明帝典紹累聖重熙高拱無為事難知春
色盛逼千秋嘉節忽聞憑玉几頒命彤闈厭世御雲
歸翊翠鳳駕文螭縹緲難追侍臣宮女但攀慕號悲
玉輪動指嵩伊龍鑣日益遠空游漢廟冠衣惟盛德

巍巍鏤玉冊傳青史昭示無期

虞神 復土初明旌下儲胥回虛仗簫笳互奏旌旆
隨驅豈知飈御在蓬壺道縈紆風日慘六馬躊躇留
恨滿山隅不堪回首翠栢已扶疎帝城漸邈愁霧鎖
天衢公卿百辟鱗集雲敷迂龍輿端門闢金碧凌虛
此時還帝都嚴清廟入空時升文物燦爛極嘉娛配
三宗號稱神古所無帝德協唐虞九歌畢奏斐然殊
會軒朱神具燕喜錫福集皇居更千萬祀佑啟邦圖
神主祔廟導引一首

歲華婉婉侍宴玉皇宮瑀輦出房中豈知軒后丹成

去望絕鼎湖龍壽原初掩九虞終歸蹕五雲重惟餘
寶冊書鴻烈清廟配三宗

政和三年追冊明達皇后導引一首

來嬪初載令德冠層城柔範藹薇聲熊羆夢應芳蘭
郁佳氣擁雕楹珠宮縹緲 蓬瀛脫屣世緣輕空餘

寶冊光瓊玖千古仰鴻名

神主附別廟導引一首

柔容懿範蚤歲藹層闈蘭夢結芳時秋風一夜驚羅
幕鸞扇影空迴榮追禕翟盛威儀遺像掩瑤扉春來
只有芭蕉葉依舊倚晴暉

景靈西宮坤元殿奉安欽成皇后御容導引一首

雲輶芝蓋仙路去難攀
海浪濺三山重迎遺像臨馳
道還似在人間西宮瑤殿指坤元
璇榜登飛鸞移升寶殿從新詔
盛典永流傳

別廟導引一首

蓬萊邃館金碧照三山
真境勝人間秋風又見芭蕉
長遺迹在人寰雲軒一去杳難攀
斑竹彩輿還深宮舊監聞簫鼓
悵望慘朱顏

志卷第九十三

